

四庫全書

子部

欽定四庫全書

子部
職官分紀卷十九
二十

詳校官中書臣沈鳳輝

侍讀臣孫球覆勘

總校官編修臣王燕緒

校對官編修臣曹錫齡

謄錄監生臣雷廷珍

欽定四庫全書

職官分紀卷十九

宋 孫逢吉 撰

衛尉

前漢百官表衛尉秦官掌宮門衛屯兵

寺在宮內

有丞景帝

初更名中大夫令後元年復為衛尉屬官有公車司馬

衛士旅賁三令丞衛士三丞又諸屯衛候司馬二十二

官皆屬焉長樂建章甘泉衛尉皆掌其官職畧同不常

置

後漢百官志衛尉卿一人中二千石丞一人比千石公車司馬令一人六百石本注曰掌宮南闕門凡吏民上章四方貢獻及徵詣公車者丞尉各一人本注曰丞選曉諱掌知非法尉主闕門兵禁戒非常南宮衛士令一人六百石本注曰掌南宮衛士丞一人北宮衛士令一人六百石本注曰掌北宮衛士丞一人左右都候各一人六百石

周禮司寤氏有夜士千寶注曰今都候之屬

本注曰主劍戟士徼

巡宮及天子有所收考丞各一人宮掖門每門司馬一人比千石本注曰南宮南屯司馬主中城門北宮門蒼龍司馬主東門玄武司馬主玄武門北屯司馬主北門北宮朱爵司馬主南掖門東門司馬主東門朔平司馬主北門凡七門右屬衛尉本注曰中興省旅賁令衛士一人丞漢官解詁衛尉主宮闕之內衛士於垣下為廬各有員部凡居宮中者皆施籍於門按其姓名若鑒巫僦人當入者本官長吏為封啟傳審其印信然後內之

人有籍者皆復有符用木長二寸以所居官兩字為鐵印分符當出入者按籍畢復齒符乃引內之也其有官位得出入者令執御者名官傳呼前後以相通從昏至晨分部行夜夜有行者輒前曰誰若此不解終歲更始所以重慎宿衛也

漢舊儀衛尉寺在宮內胡廣云宮闕之內衛士於周垣下為廬者若令之伏宿屋矣

東觀漢記光武二十三年太尉鮑昱兼衛尉永元三年

司徒丁鴻兼衛尉

魏志建初二十二年六月始置衛尉官

晉職官志衛尉統武庫公車衛士諸冶等令左右都候
南北東西督冶掾及渡江省衛尉

宋百官志衛尉一人丞二人晉江右掌冶鑄領冶令三
十九戶五千三百五十冶皆在江北而江南惟有梅根
及冶塘二冶皆屬揚州不屬衛尉江左不置宋世祖孝
建元年復置舊一丞世祖增置一人

南齊百官志衛尉府置丞一人張衡曰衛尉八屯警夜巡畫宮城諸屯敵樓上本施鼓持夜者以應更唱太祖以鼓多警眠以鐵磬

隋百官志梁衛尉統武庫令公車司馬令又有弘訓衛尉亦置屬官後齊衛尉寺掌禁衛甲兵統城門寺置校尉二人以司其職又領公車武庫衛士等署令武庫又有修故局丞隋高祖衛尉寺置卿少卿各一人丞二人主簿二人錄事二人寺統公車武庫守宮等署各置令

丞等官三年廢衛尉入太常尚書省十二年復置

唐職官志衛尉寺

龍朔改司衛寺咸亨復

卿一員少卿二人丞二

人主簿二人錄事一人府六人史十一人亭長四人掌

固六人武庫令

兩京各二人

丞二人府二人史六人監事一

人典事二人掌固五人令掌藏邦國之兵仗器械辨其

名數以備國用丞為之貳凡有赦則先建金雞兼置鼓

於宮城門之右視大理及府縣囚徒至則撾其鼓

武器署令一人丞二人府二人史六人監事一人典事

二人掌固四人令掌在外戎器辨其名物會其出入丞
為之貳凡大祭祀大朝會及巡幸則納於武庫供其鹵
簿若王公百官婚葬之禮應給鹵簿亦供之

守宮署令一人丞二人府二人史四人監事二人掌設
六人幕一千六百人令掌邦國供帳之屬辨其名物會
其出入丞為之貳

國朝衛尉寺掌供軍衛器仗什物及供帳之事

交戟

漢官解詁衛尉掌宮闕周廡殿陳屯夾道當兵交戟胡廣云宮闕之內周廡殿名陳屯夾道當兵以

示威武交戟以鉤陳班固西都賦周以鉤陳千列又周

遮妄出入者列微道八營張衡西京賦衛尉八屯警夜巡畫微道外

騎步兵射聲胡騎八植鍛懸敵用戒不虞兵仗也敵音

營言衛尉皆掌之代打更八屯李善注云衛尉帥吏士周官詩漢武栢梁

木也外於四方四角立八屯也周衛交戟歲揚雄衛尉歲門非

卿少卿

後漢百官志衛尉卿一人中二千石本注曰掌宮門衛

士宮中巡徼事

宋書晉氏以來置城門校尉官宋武帝欲重城禁故復置衛尉卿以江夏王義恭之子恢為侍中領衛尉卿

後魏職令衛尉少卿第四品上第二請用謙約謹正兼識古事者

隋百官志梁衛尉卿視侍中掌宮門屯兵卿每月丞每旬行宮徼糾察不法統武庫令公車司馬令隋高祖衛尉寺置卿少卿各一人

唐職官志衛尉卿一人

從三品古曰衛尉梁加卿字隋品第二龍朔改司衛正卿咸亨

復從四品上少卿二人之職掌邦國器械文物之事總武

庫武器守宮三署之官屬少卿為之貳凡天下兵器入京師者皆籍其名數而藏之凡大祭祀大朝會則供其羽儀節鉞金鼓帷帟茵席之屬其應供宿衛者每歲二時閱之其有損弊者移於少府監及金吾修之

唐官品志衛尉卿視侍中掌宮門屯兵卿每月丞每旬行宮徼糾察不法統武庫公車司馬令

六典衛尉寺卿一人從三品

荀綽百官表衛尉品第三銀章青綬五時朝服武冠

佩水蒼玉過江省宋復置齊因之梁天監置十二卿衛尉與廷尉太匠為秋卿班第十二後魏衛尉卿從第一品下太和二十二年降為第三品北齊因之煬帝降為從三品皇朝因之少卿二人從四品上從魏太和十五年初置第三品上二十年降正四品上隋煬帝降為從四品上皇朝因之貞觀置二人

五代職官志後唐同光元年諸寺各只置大卿一員

國朝元祐官品令衛尉卿從四品少卿正六品

憂國愛主

後漢鉞期字次況拜衛尉卿期重於信謹救義憂國愛主其或不得於心犯顏諫諍

小心周密畏慎

續漢書馬光為衛尉卿上以光謹敕小心特親異之兩宮宿衛見

重當時

竇固字孟孫為衛尉卿兩宮宿衛見重當時仁厚謙恭甚有名稱

遣使釋服

趙熹

字伯陽為衛尉盡心事上夙夜匪懈諫修官舍魏志辛毗為衛

尉卿帝方修官舍毗諫曰憂國忘私不營產業辛毗為衛尉清

平與徐邈胡質皆以憂國忘私不營產業晉起

太元九年詔九列位重吾所欲崇降車路左望塵而拜

晉書石崇拜衛尉與潘岳詔事賈謐與之親善號曰二

十四友廣成君每出崇降車路左望塵而拜其佞如此

娑娑九列崇為衛尉卿作思歸引詩序云復見牽羈娑娑于九列困于人間煩躋常思歸而永歎

輔導太子後漢陰興拜衛尉行司徒事魏志董昭為衛尉行司徒事

獻南郊賦唐徐彥伯除衛尉卿兼昭文館學士景龍三年中宗親郊彥伯作南郊賦以獻詞甚典美

丞

前漢百官表衛尉秦官有丞

後漢百官志衛尉丞一人比千石

南齊百官志衛尉府置丞一人掌宮城管鑰

隋百官志

見衛尉門

唐職官志衛尉丞二人

從六品上

掌判寺事凡器械出納之

數大事則承制敕小事則由省司

六典丞二人從六品上

秦漢一人魏晉同宋孝建元年增置一人梁陳各一人梁選簿

列卿丞班第三後魏從五品中泰和二十三年第七品
上北齊一人從六品下隋二人品同北齊大業五年復
從五品皇朝掌同唐職
改從六品上官志

國朝元祐官品令衛尉丞正八品

主簿

漢鹵簿之制衛尉駕四馬主簿前車八乘

晉職官志衛尉置主簿員

隋百官志隋高祖衛尉寺置主簿二人

唐職官志衛尉寺主簿二人

從七品上掌印勾檢稽失

六典主簿二人從七品上

晉令衛尉主簿二人宋齊並有梁天監七年十二卿各置

主簿位三班陳因之北齊亦有主簿員隋二人皇朝武德中置二人正八品貞觀中減置一人從七品上後又

置二人

國朝元祐官品令衛尉主簿從八品

公車令

沿革更見衛尉門

漢書張釋之為公車令

續漢書公車司馬令常居宮南闕門吏民上書四方貢

獻及徵詣公車者皆掌之

應劭漢官儀公車司馬令周官也秩六百石冠一梁掌
殿司馬門徹夜宮中天下事及闕下凡所徵召皆總領
之

入為侍中

李劭別集劭以公車司馬令入為侍中

不畏強禦見怨幸臣

周

拜侍御史公車司馬令不
畏強禦以是見怨於幸臣

守宮令

沿革更見
衛尉門

續漢書少府屬官有守宮令主御墨紙筆封泥

董巴漢東宮傳守宮禁內署令秩千石在省內用中人

省外用士人

齊職儀守宮周掌舍之職主行為帷宮即其任也

六典守宮署令一人正八品上

漢少府屬官有守宮令梁陳大匠卿屬官有守

宮令北齊光祿寺統守宮令丞掌凡張設之事隋衛尉寺官署令二人皇朝減一人丞二人正九

品下

隋守宮丞四人皇朝減置二人

令掌邦國供帳之屬辨其名物會其出入丞為之貳凡大祭祀大朝會大駕巡幸則設王公百官位於正殿南門外若吏部禮部兵部考功試人則供帳幕之屬若王

公婚禮亦供其張具

舉孝廉

魏志荀彧永平元年
舉孝廉為守宮令

太僕

前漢百官表太僕秦官

周穆王
所置

掌輿馬有兩丞屬官有

大廄未央家馬三令各五丞一尉又車府路軫騎馬駿
馬四令丞又龍馬閑駒橐泉駒駮承華五監長丞又邊
郡六牧師苑令各三丞又牧橐昆䟽令丞皆屬焉中太
僕掌皇太后輿馬不常置司虞令一人丞二人

後漢百官志太僕卿一人丞一人比千石考工令一人
車府令一人未央殿令一人長樂殿丞一人右屬太僕
晉職官志太僕統典農都尉典虞丞左右中典牧都尉
車府典牧乘黃殿驂騮殿等令典牧又別置羊牧丞太
僕自元帝渡江之後或省或置太僕省故驂騮為門下
之職

宋百官志太僕掌輿馬周官校人掌馬巾車掌車及置
太僕兼其任也晉江左或置或省宋以來不置郊祀則

權置太僕執轡事畢即省

後齊九寺置卿少卿丞各一人各有功曹五官主簿錄事等員

隋百官志九寺並置卿少卿各一人各置丞主簿錄事等員又太僕寺有獸醫博士員統驛騶乘黃龍廄車府典牧牛羊等署各署令丞等員

唐百官志太僕寺

梁置寺龍朔改司馭寺
光宅為司僕寺神龍復卿一員少卿

二人丞四人主簿二人錄事二人府十七人史三十四

人獸醫六百人獸醫博士四人學生一百人亭長四人

掌固六人

六典太僕寺

梁太僕統南牧左右牧龍廄陳因之北齊太僕寺統驛騶左右龍廄左右駝牛羊司

乘黃車府典牧牛羊等署煬帝減驛騶署入殿內省尚乘局改龍廄曰典廄署又有左右駮皂二廄加置主乘司庫司廩官罷牛羊署皇朝因之而省駮皂等諸官龍朔二年改司馭寺咸亨中復舊光宅元年改司僕寺神龍復

國朝太僕寺掌輦輿車輅乘黃廄牧雜畜之事車輅之職行于本寺餘職歸騏驥院諸方監四署並廢

卿 少卿

尚書問命曰穆王命伯冏為太僕正作冏命曰昔在文武聰明齊聖小大之臣咸懷忠良今予命汝作大正正于羣僕侍御之臣

前漢百官表太僕秦官

後漢百官志太僕卿一人中二千石本注曰掌車馬天子每出奉駕上鹵簿用大駕則執馭

晉百官志太僕銀章青綬五時朝服兩梁冠佩水蒼玉

隋百官志梁太僕卿位視黃門侍郎後齊九寺置卿少

卿丞各一人

隋九寺置卿少卿各一人

後魏職令太僕少卿第四品上第三請用堅強敏捷識

事者

唐百官志太僕寺卿一員

從三品上古有太僕正卿其名也後無正字惟名太僕梁

始為列卿隋品第三龍朔為司馬正卿光宅為司僕卿神龍復

少卿二人

從四品上卿之職

掌邦國廄牧車輿之政令總乘黃典廄典牧車府四署

及諸監牧之官屬少卿為之貳凡國有大禮及大駕行

幸則供其五輅屬車之屬

六典太僕寺卿一人從三品

周禮有太僕下大夫二人漢官儀云天子駕出太僕

御屬車八十一乘梁天監七年置十二卿太僕與太府為夏卿班第十陳因之後魏太僕卿第二品上又置少卿太和二十二年九卿並第三品後周少卿二人從四依周官隋煬帝降為從三品皇朝因之

品上

後魏太和十五年九卿各置少卿一人品第三上二十二年降為正四品上北齊因之隋加置二人

煬帝降為從四品上皇朝因之龍朔咸亨光宅神龍隨寺改復

國朝元祐官品令太僕寺卿從四品少卿正六品

奉車

前漢夏侯嬰高祖為沛公以嬰為太僕常奉車從公左右沛公為漢王賜嬰爵列侯復為太僕從擊

項籍至彭城漢王不利馳去見孝惠魯元載之漢王急馬疲虜在後常蹠兩兒弃之嬰常取載行西雍樹馳漢王怒欲斬嬰者十餘乃得脫後王至平城為胡所為圍七日不得通高帝使使厚遺閼氏冒頓乃開其圍一角高帝出欲馳嬰固徐行弩皆持滿外鄉卒以得脫嬰自上初起沛常為太僕竟高祖崩以太常事惠帝惠帝崩以太僕事高后后崩代王之末嬰以太僕與東牟侯入清宮廢少帝以天子法駕迎代王與大臣共立文帝復為太僕數馬石慶為太僕御出上問車中幾馬慶以策數僕馬畢舉手曰六馬慶於兄弟最為簡易矣然猶如奉轡者太僕公孫賀字孫叔大駕則太僕卿御賂遺貴戚傾家自盡陳萬年字幼公遷太僕卿萬年廣慰天下後漢趙岐字臺卿為吾之禦侮祭彤字次孫幼太僕卿安慰天下

拜遼東太守彤有旅力能貫三百斤弓虜每犯塞常為
士卒鋒數破走之後徵為太僕彤在遼東三十年衣無
兼副顯宗既嘉其功又美彤清約後從東巡狩過魯坐
孔子講堂顧指子路室謂左右曰此太僕之室太僕吾
之禦也僕臣司駕揚雄太僕箴肅肅太僕車馬是供銍銍
和鑿駕彼時龍昔在上帝巡狩四宅王

用三驅前禽是射紂作不令武王征殷檀車孔夏四駟
孔听僕夫執轡載駢載駟我與云安我馬云閑雖馳雖
驅匪逸匪愆廐多肥馬野有肅肅上布衣蔬食淵為太

餓殍僕臣司駕敢告執皂
僕居列位造乘輿箴潘尼字正叔侍中廐馬克足晉諸

布衣蔬食造乘輿箴為太僕造乘輿箴廐馬克足公讚

郭展為太僕留心于養畜是以還鄉賜錦袍唐書張暉
廐馬克足其後伐吳得以濟事還鄉賜錦袍為殿中監

太僕卿天寶初暉還鄉拜掃特賜錦袍繒絲御賜詩以
寵異之乘傳來往敕郡縣供擬暉髮華皓在輿中子

弟車馬連接數里衣冠榮之司僕正卿位居九列劉士經以駙馬交

太僕卿韋弘景與給事薛存慶封還詔書論士經伏以司僕正卿位居九列在周之命伯冏其人所以推服舊勲素所稱重今士經威里常人班叙散秩名聲不在于士林行義無聞于朝野忽長卿寺有讀官常以親則人物未賢以勲則寵待常厚令叨顯任誠謂官其劉士經新除太僕卿敕未敢行下穆宗遣宰臣宣諭弘景等固執如前封還詔書上改衛尉卿

丞

前漢百官表太僕有兩丞秦官

後漢百官志太僕丞一人比千石

隋百官志後齊九寺丞各一人隋九寺丞各一人

唐百官志太僕四人

從六品上

掌判寺事

六典太僕丞四人從六品上

魏晉因漢東晉或省或置宋齊省梁天監七年十二

卿各有丞列卿丞通朝請班第三陳因之後魏列卿丞從五品中太和末降為七品上北齊從六品下隋太僕丞三人品同北齊大業五年加為從五品皇朝為從六品上武德中減置二人永徽中加一人開元初又加一人領獸醫學掌判寺事凡補獸醫生皆以庶人之子考

生博士等

試其業成者補為獸醫業優長進為博士

國朝元祐官品令太僕寺丞正八品

主簿

隋百官志後齊隋九寺各置主簿等員

唐百官志太僕寺主簿二人

從七品上

掌印勾檢稽失省署

抄目

六典主簿二人從七品上

梁天監七年十二卿各置主簿一人位不登十八班者別

署七班主簿班第三陳因之北齊一人隋二人皇朝因之武德中品正第八貞觀中加至從七品上

國朝元祐官品令太僕寺主簿從八品

乘黃令

沈約宋書乘黃令晉官也主乘輿金根車及安車追鋒諸車馬

齊職儀乘黃廐因獸名也龍翼馬身黃帝乘之而仙後人以名廐

六典乘黃署令一人從七品下

乘黃古神馬名亦曰飛黃皆有角日行萬里六

韜云乘黃震死淮南子曰天下有道飛黃伏皂然車馬職同後漢有未央廐令長樂廐丞至魏改乘黃廐晉因之宋太常屬官有乘黃令一人掌乘輿金根車及安車追鋒諸車馬齊品第七秩四百石銅印墨綬進賢一梁冠降朝服梁太常屬官有乘黃令丞三品勳位陳因之後魏有令丞北齊掌諸輦輅隋太僕寺統乘黃署令丞

皇朝因之領駕丞一人從八品下魏有乘黃丞晉因之士羊車小吏等丞一人從八品下宋齊並有令無丞梁

陳後魏北齊隋並有丞皇朝因之令掌天子車輅辨其名數與馴馭之

法丞為之貳凡乘輿五輅周禮巾車氏掌王五輅有玉金象革木之制至秦惟乘金

根車漢承秦制以為乘輿晉武帝時始備五輅令掌為天子法車宋齊梁陳因而不改後魏五輅各依五色並

加五馬後周設六官置司輅之職皇帝之輅十有二等一曰蒼輅二曰青輅三曰朱輅四曰黃輅五曰白輅六

曰玄輅七曰玉輅八曰碧輅九曰金輅十曰象輅十一曰革輅十二曰木輅後閏視武庫得魏舊物有乾象輅

駕二十四馬又有大樓輦車駕二十牛又有象輦初駕二象後以六駃代之皆魏天興中所制也宣帝以來皆

服御之兼以賜皇后隋開皇元年以魏一曰玉輅祭祀周輿輦非古之制皆廢毀改造五輅也一曰玉輅祭祀

納后則乘之二曰金輅饗射郊征還飲至則乘之三曰

象輅行道則乘之四曰革輅巡守臨兵事則乘之五曰

木輅田獵則乘之

玉輅青質以玉飾諸末駕六蒼龍金輅赤質以金飾諸末駕六赤駃象輅

黃質以黃飾諸末駕六黃駟革輅白質鞅之以革駕六白輅木輅黑質漆之駕六黑駟國朝玉輅之制箱上置平盤黃屋四柱皆油畫刻鏤左青龍右白虎龜文金鳳翅雜花龍鳳金塗銀裝間以玉飾頂輪三層各施銀耀葉輪衣小帶絡帶並青羅綉雲龍周緹綬帶羅文佩銀穗小鈴平盤上布黃褥四角勾欄設圓鑑翟羽諸飾內貼銀鏤香罍執櫃銀龍二銜香囊銀香爐香寶錦帶下有郭塵青畫輪轅銀轂采葉三轅銀龍頭橫木上有銀鳳十二左造青旗十有二旒皆綉升龍右載闌戟綉黻文並青采色又設青綉門簾綠飾梯一托又二推竿

一銀踏頭銀裝行馬青緇裏索駕六騎馬馬有金面插
雕羽鞶纓攀胃鈴拂青綉鞍錦結尾又設馬二在輅前
飾同駕馬餘輅及副輅皆有之駕士六十四人金輅色
以赤駕六赤馬駕士六十四人象輅色以淺黃駕六赭
白馬駕士四十二人革輅色以黃駕六驢馬駕士四十
人木輅色以黑駕六黑驢馬駕士四十人自金輅而下
皆同玉輅五輅皆有副車按蔡邕獨斷云五輅之外復

惟無玉飾

五輅皆有副車

設五色安車立車各一乘皆

駕四馬是為五時副車故張良擊始皇中副車魏志云
天子命太祖駕金根六馬設五時副車江左乃闕至梁
始備隋開皇十四年始造五輅及副皇朝因之國朝並
駕六馬駕士四十人當用銀飾者皆以銅餘制同玉輅
又有指南車崔豹古今注云舊說周公所作也周公理

致太平越裳氏重譯來獻使者迷其歸路

周公錫以駟車五乘皆為司南之制使越裳氏載之周
年而至其國故常為先導示服遠人而正四方也秦漢

無聞後漢張衡始復創造漢末喪亂其法不存沈約宋書云魏明帝始令博士馬鈞造之晉亂又亡石虎使飛解姚興使令狐生又造宋武帝平關中得之其制如鼓車設木人於車上舉手指南車驟回轉所指微差至齊祖冲之又造之歷梁陳隋無所變改皇朝因之駕四馬正道先啓而行匠一人駕士十四人國朝赤質兩箱畫青龍白虎四面畫花鳥重臺勾欄鏤拱四角垂香囊上有仙人車雖轉而手首常南指一轅鳳首駕四馬駕士舊十八人雍正四年乃增為三十人服綉孔雀天聖五年定王府記室參軍工部郎中直昭文館燕肅言按指南車天子出常為先導示服遠人而正四方也自五代至於皇朝但設其車以備法駕而不聞得其制者臣今創意成之其車獨轅車箱外籠上有重構立木仙人於上引臂南指用大小輪九隻合齒百二十脚輪二隻高六尺圍一丈八尺附脚立於輪二隻徑二尺四寸圍七尺二寸出齒各二十四齒間相去二寸轅端橫木下立

小輪二隻徑三寸鐵軸貫之左小平輪一隻徑一尺二寸出齒十二中心太
寸出齒十二右小平輪徑一尺二寸出齒十二中心太
平輪一隻徑四尺八寸圓一丈四尺四寸出齒四十八
齒間相去三寸中立貫心軸一條高八尺徑三寸上載
木仙人其車行而木人南指若折而東擁轅右旋附右
脚子輪須轉十二齒繫右小平輪二匝觸中心太平輪
右旋四分之一轉十二齒車東行木人交而南指若折
而西擁轅左旋附左脚子輪隨轅須轉十二齒車正西
行木人立而南指若欲北行或東或西
西轉亦如之詔有司製造仍付史館記里鼓車崔豹古今注云
車上為二層皆有木人執木捷行一里下一層擊鼓行
十里上一層擊錫亦名大章車所以識道里也國朝赤
質四面畫花鳥重臺勾欄鏤拱行一里則上層木人擊
鼓行十里則次層木人擊錫一轅鳳首駕四馬駕士十
八人雍正四年增為三十人服綉對鵠天聖九年內侍
盧道隆言創記里鼓車其車獨轅雙輪箱上為兩層各

安木人手執木槌脚輪各徑六尺圍一丈八尺脚輪一周而行地三步古法六尺為一步三百步為里今法五尺為步三百六十步為里立輪一隻附於左脚徑一尺三寸八分圍四尺一寸四分出齒十八齒間相去二寸三分下平輪一隻徑四尺一寸四分圍一丈二尺四寸二分出齒五十四齒間相去與附立輪同立貫心軸一條上安銅旋風輪一枚出齒三齒間相去一寸二分中平輪一隻徑四尺圍一丈二尺出齒百齒間相去與旋風輪第次安小平輪一隻徑三寸少半寸圍一丈出齒十齒間相去一寸上平輪一隻徑三尺少半尺圍一丈出齒百齒間相去與小平輪同其中平輪轉一周車行一里下層木人擊鼓上平輪轉一周車行十里上一層木人擊錫都用大小輪八隻共二百八十五齒連相鈎鎖木牙相制周而復始亦詔有司依此製造白鷺車隋志名鼓吹車上施層樓上有翔鷺國朝赤質周施花板上有朱柱貫五輪相重輪衣以緋皂頃及

緋絡帶並綉飛鷺挂杪刻木為鷺銜鷺毛翎鷺旗車晉志
紅綬帶一轅駕四馬駕士十八人服綉翔鷺
云鷺旗車先輅所載也析羽毛編之十二旒列繫幢旁
國朝赤質曲壁一轅上載赤旗綉鷺鳥駕四馬駕士十
八人服辟惡車崔豹古今注云秦制也挑弓葦矢所以
綉瑞鷺辟惡車襪被不祥太卜令一人在車執弓箭平
巾幘緋兩檔大口袴國朝乾德元年改名崇德車赤質
周施花板四角刻辟惡獸中載黃旗亦綉此獸太卜令
一人在車執旗駕四馬皮軒車晉志以獸皮為軒左金
駕士十八人服綉辟邪
弩服同太卜令自指南車皆駕四馬正道匠一人駕士
十四人國朝漢制前驅車也取曲禮前有士師則載虎
皮之義赤質曲壁上有柱貫五輪相重安車晉輿服志
畫虎文駕四馬駕士十八人服綉虎
之安車倚乘謂之立車各一乘名五時車俗謂之五帝
車駕四馬駕士二十四人國朝乾德元年改進賢車赤

質兩壁紗窓擎耳虛櫃一轅緋帳衣絡帶門簾皆綉鳳
紅絲網中設朱漆床香案紫綾案衣緋繒裏輓索朱漆
行馬駕四馬駕士二
四望車 晉志云陽遂四望總憲皂
十四人服綉瑞麟
駕鹵簿日御四望車駕牛中道皇朝駕四馬國朝乾德
元年改為明遠車仍駕四馬赤質制如屋重門勾欄上
有金龍四角垂銅鐸上層四面垂簾下層耕根車 晉志
周以花板三板駕士四十人服綉對鳳
赤旗十有二旒天子親耕所乘也一名芝車一名二蓋
車置耒耜於軾上駕六馬駕士三十二人國朝制如五
輅之副駕士四十
羊車 周遷輿服雜事曰羊車一名輦
人服綉鳳銜嘉禾
小兒衣青布袴褶紫碧襍青耳履五瓣髻數人引之今
代名為羊車小史而漢代或以人牽或以駕果下馬晉
志曰武帝乘羊車於後宮恣意所之宮女挂竹葉楊條
候羊之來也國朝古輦車也亦為畫輪車駕以牛隋駕

以果下馬今亦駕以二小馬赤質兩壁畫龜文金鳳翅
綉緋幘衣絡帶門簾皆綉瑞羊童子十八人服綉瑞羊

黃鉞車

崔豹古今注云黃鉞三代通用以斷斬今以黃
鉞為乘輿之飾武王以黃鉞斬紂故王者以為

戒駕二馬左武衛隊正一人在車執武弁朱衣革帶駕
士十二人國朝漢制乘輿建之在大駕後晉鹵簿有黃

鉞車唐初無之貞觀後始加赤質曲壁中設金鉞錦囊
網杠左武衛隊正一人在車下執鉞駕兩馬駕士十五

人服對

豹尾車

崔豹古今注云周制也所以象君子豹
變尾言謙也古車正建之今惟乘輿得

建馬漢書曰成帝以幸姬趙飛燕置屬車問豹尾中駕
二馬左武衛隊正一人在車執武弁朱衣革帶駕士十

二人國朝漢制最後車一乘豹尾以前即用禁中唐貞
觀後始加此車於鹵簿內制同黃鉞車上載朱漆竿首

綴豹尾右衛隊正一人執之駕
兩馬駕士十五人服綉立豹

屬車十有二

一曰副車
一曰貳車

一曰佐車漢因秦制大駕屬車八十一乘行則中央左右分之法駕屬車四十六乘最後車懸豹尾皆皂蓋朱裏綦毼獨斷曰古者諸侯貳車九乘漢武祠太一甘泉皆盡用之明帝上原陵又用之法駕三十六乘小駕十二乘大業初備八十一乘三年帝嫌其多問閭毗毗曰此起於秦遂為後式宋孝建時議准旂旒之數設十二乘今憲章往古大駕依秦法駕依漢小駕依宋帝曰大駕宜三十六乘法駕宜用十二小乘駕除之可也皇朝因之用十二乘駕牛駕士各八人自指南車駕士皆平巾幘緋衫大口袴唯耕根車青衫羊車服則殊也國朝因唐大駕唯用十二乘黑質兩箱舉裝前有曲棚金銅飾上施紫通幘絡帶門簾皆綉雲鶴紫絲網粉鍮每乘駕三牛駕士十人服綉雲鶴大駕則用之若法駕則減五副輅白鷺

辟惡安車四望車四分屬車之一餘同大駕若小駕又

減象革木輅指南車記里鼓車鸞旗皮軒耕根羊車屬車黃鉞豹尾等車餘同法駕若有大禮則以所御之輅進內既事則受而藏之凡將有事先期四十日尚乘供馬馬如輅也率駕士預調習指南等車亦如之

典廄令

漢百官表太僕屬官有太廄未央家馬三令各五丞一尉又車府輅輅騎馬駿馬四令丞

應劭漢官儀六廄各主馬萬疋又龍

馬閑駒橐泉

如淳曰在橐泉宮下

駒駉承華五監長丞又牧橐昆

疏令丞

應劭曰橐駝昆蹄好馬名如淳曰因以名廄

武帝太初元年更名家

馬為捫馬

應劭曰主乳馬取其汁和酪之味酢可飲因以為名也

漢書蘇武為移

中監

移中監名音移

齊職儀諸廄同圉師牧人養馬之官校人掌王之馬政

六典典廄令二人從七品下

後漢太僕屬官有未央廄主乘輿及官中諸馬

其後置左駿廄令別主乘輿御馬魏有驂駒廄令晉太僕統乘黃驂駒龍馬等廄令過江之後或省或置哀帝

省驂駒為門下之職宋齊因之梁太僕統龍廄內外廄陳因之後周有左右廄各上士一人北齊太僕寺統驂

駒左右龍廄等署隋太僕寺統龍廄署丞二人從八品下皇朝改為典廄署令領執馭駕士等

隋有龍廐丞皇朝改為典廐丞今掌繫飼馬牛給養雜畜之事丞為之

貳

上以為忠

漢上官桀為羽林期門即從上甘泉大風車不得進解蓋投桀桀奉蓋雖風常屬車兩下

蓋輒御上奇其材力遷未央廐令上體不安及愈見馬多瘦上怒曰令以我不復見耶桀曰聖體不安日夜憂懼意誠不在馬言未卒馬瘦上泣數行下上以為忠

車府令

史記趙高為秦車府令

漢書百官表太僕屬官有車府令一人六百石丞二人

齊職儀車府署周有巾車掌五輅之職辨五輅之制

六典車府署令一人正八品下

後漢主乘輿諸車魏晉因之宋齊梁陳並尚書

駕部領後魏闕文北齊太僕寺領車府丞一人正九品令丞與乘黃令分職隋因之皇朝因隋

下秦漢以來並有丞一人令掌王公以下車輅辨其名

數及馴馭之法丞為之貳

執法守正

永平中車駕出信陽侯干哭車騎鹵簿車府令齊國徐匡就車收奴下獄詔譴匡匡自繫

不出吳良上書信陽侯驕漫干哭車騎無人臣禮大不敬匡令掌王公而下獄臣恐陛下政化由是隳矣於是

詔出匡還

太丘長

羣牧司

六典上牧監一人從五品下

漢書儀太僕牧師諸苑三十六所分布北邊西邊以

郎為苑監官婢奴三萬人分養馬三十萬頭擇取教習給六廄中羊無數以給犧牲中興省漢陽有牧馬苑令羽林郎監領魏置牧官都尉晉因之宋齊開文梁太僕統南牧左右牧等丞陳因之後魏開文北齊太僕寺統左右牧駝牛司羊等署令丞後周有典壯典牝上士一人中士一人又有典駝典牛典羊各有中士一人隋太僕寺統典牧署牛羊署等令丞皇朝因分為牧監副監二人正六品下丞二人

正八品上主簿一人正九品下

中牧監一人正六品下副監一人從六品下丞一人從

八品上主簿一人從九品上

下牧監一人從六品下副監一人正七品下丞一人正九品上主簿一人從九品下

諸牧監掌羣牧孳課之事凡馬五千疋為上監三千疋以上為中監以下為下監凡馬牛之羣以百二十駝騾驢之羣以七十羊之羣以六百三十羣有牧長牧尉凡馬有左右監以別其麓良以數記為名而著其簿籍細馬之監稱左麓馬之監稱右凡馬各以年名籍之每歲

季夏造至孟秋羣牧使以諸監之籍合為一

諸羣牧別南北東西

以分統

常以仲秋上於寺凡在牧之馬皆印

國朝舊制國馬之政皆騏驥二院監官專之咸平二年置羣牧司領內外廩牧之政自騏驥而下皆聽命焉三年令諸州有監牧處知州通判兼管內羣牧事六年令河北轉運使兼羣牧事

羣牧制置使

國朝嘉祐二年詔以奉寧軍留後檢校太保同知樞密

副使以下充羣牧使屢罷而復置蓋明道二年嘗罷而復置寶元二年又嘗罷而復置四年九月兵部侍郎知樞密院事陳堯叟兼羣牧制置使時內侍省副都知閻承翰為都監真宗以堯叟事陳居近密之職而與承翰聯事合避輿議帝曰國馬戎事之本宜得大臣總領不可辭也自是以樞臣領之

同羣牧制置使

國朝不常置曾歷中書樞密及使相宣徽使節度使為

之至和元年差龍圖閣直學士呂公弼同羣牧制置使
後不得為例

羣牧使

唐貞觀十五年尚乘奉御張萬歲除太僕少卿勾當羣
牧不入銜至麟德三年太僕少卿鮮于正裕檢校隴右
諸牧監雖入銜未置使儀鳳三年太僕少卿李思文檢
校隴右諸牧監使自茲始有使號後又有樓煩監牧使
龍陂監牧使元和十四年置臨海監牧命淮南節度使

兼之至太和二年廢又於襄州穀城縣置臨漢監牧使以牧馬仍令山南東道節度使兼充監牧使太和七年廢國朝咸平三年九月以樞密直學士主客郎中陳堯叟為制置羣牧使凡內外廩牧之事皆領焉堯叟同知樞密院事以禮部郎中知制誥薛映充使景德四年復命堯叟為羣牧制置使因以制置羣牧使大中祥符四年知制誥朱巽兼使職出知江陵府五年巽以擅牒給駟馬被劾解使職自是不復有外任兼領者咸平三年

制置羣牧使陳堯叟請令諸州有監牧處知州通判兼管勾羣牧使從之

熙寧元年詔今後羣牧使副各置一員都監兩員並專管勾本司更不兼釐他務仍並任九年詔今後樞密都承旨兼羣牧使副都承旨兼羣牧副使更不兼別差遣同羣牧使

國朝不常置待制以上為之皇祐元年以翰林學士梁適為同羣牧使羣牧使舊止一員學士彭乘已為使此

特置之

羣牧副使

更見羣牧使門

國朝景德三年以內侍省右班副都知閻承翰為之天禧元年以樞密都承旨楊崇勲為之

羣牧都監

更見羣牧使門

國朝大中祥符三年以內侍省副都知張繼能為之熙寧元年九月詔已分置河北河南監牧使統領外

監其羣牧使省都監一員治平二年詔

見判官門

羣牧判官

國朝景德二年以著作郎王曉為之四年增置一員以
太子中舍田穀充是後每歲更出諸州巡坊監印鞍馬
天聖七年詔羣牧制置使今後不得自舉判官只候朝
廷差人皇祐三年詔羣牧判官自今以朝臣歷一任知
州館職一任通判者為之即不得干托保薦及有陳乞
治平二年詔羣牧都監判官在羣牧路分轉運使之下
同羣牧事知軍州外郎之上與提點刑獄相序以官

上羣牧故事六卷

景德二年羣牧判官王曉上羣牧故事六卷上嘉其詳博詔獎之

馬政

熙寧三年羣牧判官王諤上馬政條貫行之

左右驥驥院

唐有小馬坊飛龍院之號

五代後唐長興元年分飛龍院為左右以小馬坊為右飛龍院國朝太平興國五年改飛龍為天廡院雍熙元年改左右驥驥院各領天駟二監天廡一坊大中祥符二年詔左右驥驥院及諸坊監馬數目令旬奏月比以

省日奏之繁五年羣牧制置使言左右騏驎院六坊監見飼馬萬七千疋所費芻粟四百萬自今請止留馬二千餘悉遣就淳澤監放牧或官有急用可信宿而至歲省芻粟三百餘萬從之

左右天駟監

唐馬有左右監

國朝太平興國四年置養馬務五年作四廄詔以為天駟監左右各有二馬熙寧三年以天駟監併作左右兩

監

左右天廄坊

國朝雍熙二年置咸平元年併北務遂分為左右二坊
熙寧八年詔權廢罷左右天廄坊

牧養上下監

國朝景德二年以鄭州養馬務病馬於京城置坊養飼
大中祥符四年羣牧制置使奏請於在京諸務監及諸
軍病馬就京城西開遠門外草地分兩監量彼草料牧

放詔以為牧養上下監馬病重送下監輕者上監

諸州監務

唐凡馬有左右監仍以土地為名

國朝景德三年改諸州牧龍坊以本州軍土地為名先是諸坊借用奉使印今各鑄印給用

河南府洛陽監

國朝舊曰飛龍院太平興國五年改為牧龍坊景德四年陳堯叟奏請以東京右養馬務人員兵士送河南府

牧龍坊牧養在京送去少嫩馬仍改為洛陽監大中祥符六年陳堯叟言洛陽監秣馬五千疋頗費芻粟已令裁減二千五百上曰大都馬數及十萬可止王旦曰聽民間任便畜養官有所須以本直市之猶外廩也所費芻秣皆出兩稅少損馬粟用資軍儲亦當世切務也天聖六年廢景祐二年復置

大名府大名三監

國朝太平興國三年置養馬務改牧龍坊景德二年五

月分為二坊七月改為大名第一第二監大中祥符二年又置第三監於洺州境

洺州廣平二監

國朝建隆二年置養馬務改牧龍坊景德二年改廣平監大中祥符三年羣牧制置使言河北孳生馬多可更於邢洺趙州境標地萬頃以廣牧放因詔增置第二監景祐二年廢其一

衛州淇水二監

五代周顯德中置牧馬監

國朝建隆初增葺後改東西牧龍坊景德二年改淇水監後又分為第一第二監熙寧七年合為一

鄭州武原監

國朝舊曰馬務建隆初增葺後改牧龍坊景德二年分為第一第二牧監又改為廣武監大中祥符二年改原武監仍合為一熙寧四年廢併分擘羣馬與洛陽單鎮兩監牧放

同州沙苑二監

六典沙苑監監一人從六品下副監一人正七品下丞
一人正九品上主簿二人從九品下監掌牧養隴右諸
牧牛羊以供其宴會祭祀及尚食所用每歲與典牧分
月以供之丞為之貳若有司應供者則以時皆供之凡羊
毛及雜畜皮角皆具數申送所由焉

一本太僕屬官有
沙苑監開元二十

三年

國朝建隆初葺故地為監後改牧龍坊景德二年

改沙苑咸平六年分二監每監牧馬凡四千五百疋

相州安陽監

五代周顯德中置馬坊

國朝建隆初增葺後改牧龍坊景德二年改今名

澶州鎮寧監

國朝建隆初濮州置養馬務開寶八年徙於澶州後改
牧龍坊景德二年改鎮寧監乾興元年廢

滑州靈昌監

國朝舊置馬監後改牧龍坊景德二年改為靈昌監天

禧三年河決羣牧司請以監馬送大名淇水五監牧放候水落別為規畫後廢

邢州安國監

國朝大中祥符二年河北諸監言邢趙草地甚廣宜置監牧遣羣牧判官括視閒田得萬餘頃可牧馬萬疋其八月置養馬景德二年廢後給充天慶觀莊田

鄆州東平監

國朝大中祥符元年置天聖五年廢羣牧司請以監馬

分配諸處其地募民分佃之熙寧七年廢

中牟縣淳澤監

國朝大中祥符四年置乾興元年廢

許州單鎮監

國朝大中祥符六年羣牧制置使言單鎮有牧地詔置
監天聖五年凡再置而廢

同州病馬務

國朝景德元年置初以沙苑監官兼主之別養本監及

諸處病馬天聖二年別差使臣勾當

估馬司

國朝咸平元年置在建隆坊勾當官二人以諸司使副充掌諸州所市馬估直驗記牧養

乳酪院

國朝舊有南北兩院有監官景德二年合為一以驕驥院監官專副兼充掌供御厨乳酪酥

大理 廷尉

前漢百官表廷尉秦官掌刑辟有正左右監秩皆千石
景帝中六年更名大理武帝建元四年復為廷尉宣帝
地節三年初置左右平秩皆六百石哀帝元壽二年復
為大理王莽改作士

後漢百官志廷尉卿一人中二千石掌平刑罰

韋昭辨釋名廷尉古官也以尉尉人心也凡掌賊及司
察之官皆曰尉尉罰也言以罪罰姦也猶刺史刺舉不
法也

晉職官志廷尉主刑法獄訟屬官有正監評并有律博士員

宋百官志廷尉一人丞一人掌刑辟凡獄必質之朝廷與衆共之之義兵獄同制故曰廷尉舜攝帝位咎繇作士即其任也周大司寇為秋官掌邦刑秦為廷尉漢景帝中六年更名大理武帝建元四年復為廷尉哀帝元壽二年復為大理漢東京初復為廷尉廷尉正一人廷尉監一人正監並秦官本有左右監漢光武省右猶云

左監魏晉以來直云監廷尉評一人漢宣帝地節二年
初置左右評漢光武省右猶云左評魏晉以來直云評
正監評並以下官禮敬廷尉卿正監秩千石評六百石
廷尉律博士一人魏武初為大理後復為廷尉置律博
士

隋百官志後魏置少卿司直後齊九寺置卿少卿丞各
一人各有功曹五官主簿錄事等員又大理寺掌決正
刑獄正監評各一人律博士四人明法掾二十四人檻

車督二人掾二人獄丞掾各二人司直明法各十人隋九寺置卿少卿各一人各置丞主簿錄事等員大理寺不統署又有正監評各一人司直十人律博士八人明法二十人獄掾八人

唐百官志大理寺

古謂掌刑為士又曰理漢景帝加大字取天官貴人之牢曰大理之義後

漢復改為廷尉魏為大理南朝又名廷尉梁改名秋卿北齊隋為大理加寺字龍朔改為詳刑寺光祿為司刑神龍復故卿一員正二人丞六人主簿二人府二十八人史

五十六人獄丞四人獄史六人亭長四人掌固八人問

事一百四十八人司直六人評事十二人

六典大理寺卿一人從三品

尚書云帝曰咎繇汝作士五刑有服孔安國注云士

理官也周官為司寇韓詩外傳云晉文公使李離為理謂察理刑獄也兩漢卿秩中二千石魏晉宋齊梁陳

俱為第三品後魏第二品上太和以後降為第三品隋正三品皇朝降為從三品少卿二人從

四品上

後魏置為第三品上太和以後降為第四品上北齊為四品隋因之皇朝置二人降從四品上

國朝大理寺掌鞠獄定刑斷內外六品以下官并諸軍

將校罪犯及諸州軍應奏公案詳決疑議之事凡職務

左斷刑則評事司直按法評斷丞議正審右治獄則丞

專推劾主簿掌案籍少卿分領其事而卿總焉

貴人之牢

史天官書斗魁四星
貴人之牢曰大理

廷尉

古文尚書咎繇作士正五刑士獄之長也

春秋元命苞王者置廷尉讞疑刑者官之平下之信也

尉者尉民心撫其實也安立字士垂一人誥屈折者為

廷示戴尸首以寸者為言寸度治法數之分示帷尸稽

於寸合則法有分故為尉示與尸寸宋均注曰士事也

垂係也。屍人死也。人死不可無乃戴之者示天下不可無死也。

前漢百官表

後漢百官志

並見大理門

漢官宰尹下古者聽獄於棘木之下因言兵獄同制故稱廷尉

晉職官志

宋百官志

並見大理門

隋百官志梁廷尉卿梁國初建曰大理天監元年復改
為廷尉有正監平三人元會廷尉三官與建康三官皆
法官玄衣朝服以監東西中華門手執方木長三尺方
一寸謂之執方四年置曹子律博士位視員外郎
後魏職令廷尉少卿第四品上用恩理平斷明識刑法者

天下之平

前漢張釋之為廷尉文帝出嘗有人從渭橋下走乘輿馬驚於是捕之屬廷尉

釋之奏其犯蹕當罰金上怒釋之曰法者所與天下共也且方其時使立誅之則已今既下廷尉廷尉天下之平也今因一事而天下用法皆為之輕重人安所措其手足乎後又有盜高廟座前玉環者文帝欲

族之釋之秦當棄市上大怒釋之曰法如是也今盜宗廟器而族之假令愚人取長陵一杯土陛下何如以加

其法

持議平

釋之為廷尉時條侯周亞夫與山都侯王恢咸見釋之持議平迺結為親友張廷尉

由此天

不循三尺法

杜周為人少言為廷尉其治大抵倣張湯而善伺候上所欲客有讓

周曰君為天下決平不循三尺法專以人主意旨為獄者固如是乎周曰三尺安出哉前主所是者著為律

後主所是者疏為令當時為是何古之法乎至周為廷尉詔獄亦益多矣二千石繫者新故相因不減百餘人

諸郡吏大府舉之廷尉一歲至千餘章其大者連逮一證案數百小者數十人遠者數千里近者數百里一

歲千餘章

上舞文巧詆

張湯為廷尉為人多詐舞智以御人上意所欲罪予監吏深刻

者即上意所欲釋予監吏輕平者所治即豪必舞文巧詆即下戶羸弱時口言雖文致法上裁察於是往往釋

湯所正卿湯以更正律令為廷尉汲黯數責湯於上前

言曰公為正卿上不能褒先帝之功業下不能抑天下之邪心安國富民使囹圄空虛何乃空張湯以

取高皇帝約束紛更之為而公以此無種矣

倪寬為奏讞掾

寬善屬文然懦於言口弗能發明也時張湯為廷尉廷尉府盡用法律之吏而

寬以儒生在其間見謂不習事不署為從史之北地視畜數年還至府上畜簿會廷尉時有疑奏已再見却矣

塚吏莫知所為寬為言其意掾吏因使寬為奏成讀之皆服以白廷尉湯大驚召寬與語乃奇其才及上寬

所奏即時得可異曰湯見上問曰前奏非俗吏所及誰為之者湯曰倪寬上曰吾固聞之久矣湯由是以寬為

奏讞掾以古法義決疑獄甚重之民自以為不寬于定國字曼倩少學法於父及為廷尉其

決疑平法務在哀鰥寡罪疑從輕加審慎之心朝廷稱之曰張釋之為廷尉天下無冤民于定國為廷尉民自

以為天下無冤民上請謝精明定國飲酒至數石不亂冬月治獄請謝益精明

高門

始定國父于公其間門壞父老方共治于公謂曰可高大其門令容駟馬高蓋車我治獄多陰德子

孫必有與者至定國為丞相于公東海人也為郡曹決獄稱平治天下第一文帝初立河南守吳

公治天下第一故與李斯同邑乃徵吳公為廷尉賓客填門下邳翟公為廷尉

門可設雀羅後復為廷尉客欲往翟公大署其門曰一死一生乃知交情一貧一富乃知交態一貴一賤交情

乃丹筆盛吉為廷尉每至冬節罪囚當斷夜省刑多所見狀其妻執燭吉執丹筆夫妻相向垂泪

生全後漢郭躬字仲孫父為郡決曹掾斷獄至三十年用法平郡內比之東海于公躬少傳父業講授徒

眾常數百人後為廷尉躬家世掌法務在寬平及典理官決獄斷刑多依矜恕乃條諸重文可從輕者四十一

事奏之事皆施行著于令
躬奏讞法科多所生全
七人
郭氏自弘俊數世傳法

尉七人侯者三人刺史二千石侍中郎將二
十餘人侍御史正監平者衆即郭躬之家也
三世
吳雄

字季高順帝時為廷尉以明法律斷獄平起自孤寒致
位司徒雄少時家貧喪母營人所不封土者擇葬其中

喪事輒辦不問時日璽丞皆言當族滅而雄以法名家
不顧及子訴孫恭三世為廷尉以法名家

上人賴其平
陳寵字昭公代郭躬為廷尉性任矜及為
理官數議疑獄常親自為奏每附于輕典

務從寬恕帝輒從之濟活者甚衆其深文刻敝
于此少哀故本傳贊曰陳郭主刑人賴其平
手筆作

議寵為廷尉有疑獄輒
手筆作議所活甚多
讞平天下獄
朱博字子元遷廷

平天下獄博恐為官屬所誣視事召見正監典法掾吏
謂曰廷尉本起於武吏不通法律幸有衆賢亦何憂然

廷尉治郡斷獄且二十年亦獨耳剗日久三尺律令人事出其中掾吏試與正監共條前世決事吏議難知者數十事持以問廷尉為諸君覆意之正監以為博苟強意未必能然即共條白焉博皆召掾吏並坐而問為平處其輕重十中八九官屬咸服博之疏畧材過結襪前人每所到輒出奇譎以明示下為不可欺者 結襪漢王生者善黃老言嘗召居廷中公卿盡會立王生老人曰吾襪解顧謂釋之為我結襪釋之前跪而進之既退或讓王生獨奈何廷辱張廷尉如此王生曰廷尉方為天下名臣吾故聊使結襪以重之諸公聞之賢王生而重釋 治獄之吏 應劭漢官儀宣帝元鳳中路溫舒為廷尉之吏是也夫獄天下之命也今治獄吏以刻為明深者獲功名平者多後患故治獄之吏皆欲人死非憎人也自安之道在人之死俗語曰畫地為獄勢不可入刻木為吏議不可對此皆疾吏之風悲痛之辭也唯陛下除

誹謗之罪招切直之言開天下之目廣箴諫之路掃亡秦之失尊文武之業上善其言世非法家

後漢楊賜為尚書令數日出為廷尉賜自以世非法家上言曰三后成功惟殷于民臯陶不與焉蓋吝之也遂

因達法理有張釋之風謝承後漢書張禹少作九府吏辭達法理有張釋之風給廷尉為北曹吏每斷法決處

事執平為京師所稱明帝以其達垂念冤結傅賢字仲法理有張釋之之風起拜廷尉

常垂念冤結務從輕刑賢素廉正每治獄稱平上決三至斷獄遲同流涕在位治獄稱平

男娶一妻生四子謝承後漢書范延壽宣帝時為廷尉時燕趙之間有三男共娶一妻生四

子長各求離別爭財分子至聞於縣縣不能決斷至於廷尉於是延壽決之以為悖逆人倫比之禽獸生子屬

其母以子並付母尸三男於市奏免郡牆面充伍通風俗太守長等無師化之道天子可其言

廷尉率皆牆面不以喜怒毀法魏志高柔字文惠為廷尉時獵法甚峻真陽典

荀充茲伍而已農劉龜於禁內射免其功曹張京詣校事言之帝匿京各以龜付獄柔表請告者名帝大怒柔曰廷尉天下平

也安得以至尊喜怒而毀法乎重奏帝乃下京名即還訊各當其罪臣子得為理謗中鍾

繇為大理遷相國魏文踐阼復改廷尉聽君父已歿務臣子得為理謗及士為侯其妻不復改嫁毓所創也

在寬恕王殷為大理務在寬恕與鍾毓以治獄見稱一朝決數年囚司馬岐

相梁郡有囚數年不決請移獄於岐囚至材不為三公詰之皆莫敢詐匿一朝決竟遂超為廷尉

晉書袁甫曰聖王使人必先以器法合人情王隱晉書廷尉之材不為三公自昔然也

尉多所平正當法合人情而時勢要施一恩開萬怨苑自以愛憎為斷坦意不得皆行也

為廷尉奏主典吏部邵廣盜官布四十疋依律棄市廣
息雲宗二人自沒為官奴婢以贖父尚書議可堅駁之
曰此為施一恩於今開萬
清正有法理臧榮緒晉書咸
怒於後顯宗從之正廣刑
貞固清正有法理鑒識其
張釋之以來復見斯事晉中
以頌為議郎守廷尉卿
王彪之遷廷尉時揚州刺史殷浩劾永嘉太守謝毅付
廷尉彪之執法不受誥遂發詔彪之又上疏執據時人
云張釋之以
天下稱其有恩盛吉拜廷尉卿性多仁恩
來復見斯事
斷夜省刑狀其妻執燭吉手持丹筆夫妻相對垂泣妻
嘗謂吉曰君為天下執法不可使一人濫罪令歾流子
孫所當平決若無繼嗣者令其妻妾得入經
營使有遺類視事十二年天下稱其有恩
面決當時
之事會稽後賢孔坦遷廷尉獄多囚繫坦到官躬執辭
狀口辨曲直小大以情不加楚撻每臺司錄獄無

所顧問皆面
決當時之事
不為宣武曲筆
齊游肇為廷尉卿肇儒者

傷風敗俗持法以平斷獄務於仁恕齊宣武帝常敕肇
有所降恕執而不從曰陛下自能恕之豈足令臣曲筆

平星執法正于綱紀
天文錄平星主廷尉之象故星讚曰平

星執法正
孟秋之月祀臯陶
鞏虞新禮議故事祀臯陶

以孟秋之月
歲酷敗獄臣司理敢告執謁
以詩伯梁詩

平理請獄
寺中二絕
北史宋世軌為廷尉少卿洛州人

唯殺魁首餘從生悉舍焉大理正蘓珍之亦以平幹知
名寺中語曰決定嫌疑蘓珍之視表見裴宋世軌時人

以為寺
中二絕

大理卿

判事

前漢百官表廷尉秦官景帝中六年更名大理

隋百官志梁廷尉卿梁國初建曰大理天監九年復為
廷尉有正監平三人元會廷尉三官與建康三官皆法
冠玄衣朝服以監東西中華門手執方板長三尺方一
寸謂之執方後齊九寺置卿少卿丞各一員隋置卿少
卿各一人

唐百官志大理寺卿一員

從三品

少卿二員

從四品上

卿之職

掌邦國折獄詳刑之事少卿為之貳

六典卿一人從三品少卿二人從四品上

見大理門

以五聽

察其情一曰氣聽二曰色聽三曰視聽四曰聲聽五曰

詞聽以三慮盡其理一曰明慎以讞疑獄二曰哀矜以

雪冤獄三曰公平以鞠庶獄國朝建隆三年以竇儀兼

判大理寺事故事臺省長官兼判他司得言判某官事

如晉左丞崔祝兼判太常卿事是也若止言寺事則少

卿正丞之事皆兼之矣周顯德中翰林學士中書舍人

竇儼兼判太常寺事至是儀又兼判大理寺非舊典也

元祐官品令大理寺卿從三品

天下無虐刑

文子昔皋陶嘗為大理天

釋令尹族

楚令

尹子文之族有干法者廷理拘之聞其令尹之族釋之
子文召廷理而責之遂致其族人於廷理曰不是刑也
吾將死廷理憫遂刑其族人成王聞之不及履而至於
子文之室曰寡人幼少置廷理失其人以失子之意於
是黜廷理而尊刎頭而死於廷新序楚昭王有士曰石
奢者公正好義王使為
大理於是廷有殺人者奢追之即其父也遂反於廷曰
殺人者父也以父成政不孝不行君法不忠弛罪廢法
而伏其辜僕之所守也伏斧鑕命在君君曰追而不及
庸有罪乎子其治事矣石奢曰不私其父非孝也不行

君法非忠也以死罪生非廉也君舍之上之惠也臣過不敢失法下之行也遂不離斧鑕刎頭而死於廷

聽殺人請死

晉文公使李離為大理過聽殺不辜自縊曰臣之罪當死文公令之曰官有上下罰有

輕重是下吏之罪也非子之過也離曰臣居官為美不與下吏讓位受爵為多不與下吏分利今過聽殺無罪

臣之罪當死

孔子

善子羔

家語子羔為衛士師則人之足俄而衛有亂子羔逃刑也

者守門謂羔曰彼有缺羔曰君子不踰又曰彼有竇羔曰君子不隧又曰於此室乃入焉既罷羔問曰吾親則

子之足而子逃我何也刑者曰曩者君理人以法令先君後臣欲臣之免也臣知之臨當論刑君愀然不樂見

於顏色臣又知之君豈私臣哉天生君子其道故然此臣之所以說君也孔子聞之曰善哉為吏其用法一思

仁恕則樹德加嚴暴則樹怨公以行之其子羔乎

曲盡事情一無遺誤

隋楊注守大理

卿視事二日帝將親省囚徒將繫囚二百餘人注通所
宵究審詰朝而奏曲盡事情一無遺誤帝甚嘉之

斷非冤濫

唐唐臨為大理卿高宗嘗親錄死囚前卿所斷者悉號叫稱冤臨所入者獨無言帝怪問

狀囚曰唐卿所斷既旬日決遣疑事四百餘條張文瓘
非冤濫所以絕意爾

卿至官旬日決遣疑事四百餘條人無怨言文瓘嘗有
疾繫囚相與齋禱願其視事當時咸稱其執法平恕比

戴胄焉拜侍中大理諸囚失出獲大罪劉德威為大理卿
一時慟哭其感人心如此

威曰近來刑網稍密其過安在德威奏言誠在主上不
由臣下人主好寬則寬好急則急律云失入減三等失

出減五等失入則反是無辜失出則便獲大罪所以吏各
自愛競執深文非有教使之然畏罪之所致耳陛下但

捨所急則寧失不經復行異筆斷斬李朝隱授大理丞
於今日矣太宗深然之

神龍中功臣敬暉

桓彥範為武三思所構諷侍御史秦請誅之敕大理結其罪朝隱以暉等不經推窮未可即正刑名時裴談為大理卿異筆斷斬朝隱由是忤旨中宗令貶嶺南李嶠奏曰朝隱素稱清正斷獄亦甚當事一朝遠徙嶺表恐天下疑其罪中宗因已之泰利人之否張道源拜大理意解出為聞喜令因已之泰利人之否卿時何稠士澄得罪家口籍沒仍以賜之道源歎曰人有否泰蓋亦是常安可因已之泰利人之否取其子女以為僕妾豈近仁者之心乎皆保所長棄所短貞觀八年上謂大理卿捨之一無所取保所長棄所短寶誕曰法官卿為之長也武德之時為息隱王所囑使回改文案苟事曲從此卿之短也朕以至公臨天下法之所行無捨親昵卿當保所長而棄所短無疇日相委故授卿此任高祖嘗問阿朕意以虧憲典疇日相委故授卿此任大理唐臨獄繫囚之數臨對曰見囚五十餘人惟二人合死上聞囚數不多怡然形於顏色謂臨曰昔東宮卿已事朕朕

登大位卿又居近職以疇日相委故授卿此任然為國之要在於刑法刑急則人殘法寬則失罪務令折中稱

朕意

繫囚悲歌

大理卿袁仁敬暴卒繫囚聞之皆慟哭繫囚曰天不卹若人兮何奪我慈親兮

有理無申兮雖有不能苟容於宰相國朝至道二年判大理痛我安訴陳兮

理寺先是缺

小人不少

罪者詔多貸其死

缺

奏事上謂缺

近有貸命流配固與死無異

缺

對曰先王立法蓋為小人君子固不犯矣上默然曰卿

言是也令鞫陳廷山謀叛獄具大理正李潤之斷廷山

謀叛未行發覺當絞中書刑房史李文方用事潤之附

會之使掌廷尉不預議法又不見案牘文方遣小吏就

取印行用使初付之因不甘上疏言其事上大怒召宰相呂蒙正責讓蒙正稱文方所定為允使以為廷山謀

反當斬與謀反未上有異因言曰臣祇能盡心於陛下不能苟容於宰相以曲法爾在廷尉四十

年用法平允

劇可久拜大理卿建隆三年致仕卒可久性沈毅方正在廷尉四十年用法平允以仁

恕對奴從良賜主姓

東齊記事太祖時雷德驥判大理寺因蔡事問以律奴從良賜主姓

如何或以為文誤是否對曰不然蓋慮後世或通婚姻故也太祖拱手莊色曰是也乃詔異日如衩衣不得奏

事號為明習法令

仁宗時陳太素中進士第為大理詳斷官審刑詳議官權大理少卿又判

大理寺號為明習法令

少卿

治草並見卿門

撼大木

隋趙綽性質剛毅為大理少卿時有刑部侍郎辛亶嘗衣緋視俗云利官上以為厭蠱將斬之

綽曰據罪不當死臣不當奉詔上怒甚曰卿惜辛亶不自惜也命左僕射高潁將斬之綽曰陛下寧可殺臣不

可殺卒置至朝堂解衣將斬上使人謂綽竟如何對曰
執法一心不可惜死上拂衣入良久乃釋之明日謝綽
勞之賜物三百段時上禁行惡錢有二人當杖殺之非
易者武侯執以聞上令悉斬之綽曰此人當杖殺之非
法上曰不關卿事綽曰陛下不以臣愚暗置在法司欲
妄殺人豈得不關臣事上又曰撼大木不動者當退對
曰臣望感天心何論動木復曰啜羹者熱則置之天子
之威欲敢挫耶綽拜而益前訶之不肯退上遂入侍御
史柳或復上奏據律奏衛士當徒源師賜帝即位拜大
切諫上乃止理少卿帝在顯仁宮
執衛士不得輒離所守有一主帥私令衛士出外帝付
大理師據律當徒帝令斬之師奏曰此人罪誠難恕若
陛下初便殺之自可不關文墨既付有司義歸常免校
典脫宿衛近侍者更有此犯將何以加之帝乃止
尉死唐戴胄遷大理少卿時吏部尚書長孫無忌嘗被
召不解佩刀入東上閣門右僕射封德彞議以監

門校尉不覺罪當死無忌誤帶入為罰銅二十斤上從之
胄駭曰校尉不覺與無忌帶入為誤爾臣子至於尊極
不得稱誤陛下若錄其功非憲司所決校尉緣無忌以
致罪於法當輕若止論其誤則為情一也而生死頓殊
敢以固請上嘉

犯顏執法

胄為少卿犯

顏執法甚多

隨方指謫言如

泉湧

辭以求苟安

徐有功遷司刑少卿謂所親曰今身為大理人命所懸必不能順旨詭辭以求苟免

故前後為獄官以諫奏枉誅者三經斷死而執志不渝

刑措比漢于張

上方于定國

有功為少卿時周興來俊何遠臣等羅告天下衣冠遇族

者數千百家有功司刑平反定律令

韓瑗父仲良武德初為大理少卿受

詔與郎楚之等掌定律令仲良言於高祖曰周代之律其屬三千秦漢以來約為五百若遠依周制繁紊更多且官吏至公自當奉法苟若徇己豈顧刑名請崇寬簡以允維新之望高祖然之於是採定開皇律行之時以便用心存法無過戴胄者唐新語太宗嘗謂侍臣曰大正人用心存法無過戴胄者乃以為大理少卿

正

禮記成獄辭史以獄成告于正正聽之鄭玄注云于周禮鄉師之屬今

漢有正平丞秦所置也

前漢百官表廷尉有正秩千石

後漢百官志廷尉正一人

魏志廷尉三官通視南臺侍書舊尚書郎下遷

晉職官志廷尉屬官有正

隋百官志梁天監元年廷尉有正監評三人

煬帝增為六人判獄

事

後齊大理寺正一人

唐百官志大理寺正二人

從五品下

掌參議刑辟詳正科條

之事凡六丞斷罪不當則以法正之

六典大理正二人從五品下

秦置廷尉正一人漢因之與監及平謂之廷尉三官

秋千石魏氏第六品晉置二人宋齊梁陳並一人品同魏氏後魏第六品上北齊及隋並正第六品煬帝增置

六人皇朝置二人龍朔二年改為詳刑大夫咸興元年改大理正光宅年改司刑正神龍初復舊掌同

唐志

國朝元祐官品令大理正從七品

持法平

前漢宣帝在民間時知百姓疾苦吏急聞黃霸持法平召以為廷尉正數決疑獄稱平允濟

活千數

後漢何敞六世祖比干學尚書于昆錯武帝時為廷尉正與張湯同時湯持法深而比干務仁

恕數與湯爭雖不能盡得然所濟活者以千數何氏家傳云祖父比干字少卿經明行修兼通法律為汝陰縣

獄吏決曹掾平活數千人後為丹陽郡尉獄無冤囚淮
汝號曰何公征和三年三月天大陰雨比干在家夢貴
客車騎滿門覺以語妻語未已而門有老姥可八十餘
頭白來寄辟雨甚而衣履不沾漬雨止送至門乃謂
比干曰公有陰德今天錫君策以廣公之子因出懷中
符策狀如簡長九寸凡九百九十板以授比干子孫佩
印授者當如此筭比干年五十八有六男又明律令陳
生三子本始元年自汝陰徙平陵代為名族
橋玄表琳明律令徵拜廷尉正宥所疑以隆易從之義
有盜官絹置諸厠上者吏疑女工收以付獄芝曰刑罪
之失失在苛暴今贓物先得而後訊其辭若不勝掠或
至誣服誣取之情不可以折獄且簡而易從大人之化
也不失有罪庸世之治耳今宥所疑以隆易從之義不
亦可乎太南土秀望晉中興書顧榮字彥先入洛
祖從其議南土秀望累遷廷尉正冬服

單簿

南史顧協初為廷尉正冬服單簿寺卿蔡法度欲解襦與之憚其清嚴不敢發口

寺署臺

按

北史蘇瓊為廷尉正時畢義雲為御史中丞以猛暴任職理官忌憚莫敢有違瓊推察務在得情雪者甚

衆寺署臺按

上應正論

唐王志愔為大理正嘗奏言法

始自於瓊也
禁竊見大理官員多不奉法以縱罪為寬
恕以守文為苛刻遂表上應正論以見正
寺中二絕見

門尉

監

前漢百官表廷尉有左右監秩皆千石

後漢百官志廷尉左監一人

魏志見正門

晉職官志見正門

隋百官志見正門

後齊大理寺監一人

六典見正門

治平蠱前漢酈吉字少卿稍多所全活謝承後漢書陳咸

遷廷尉監多思議入常從輕比增築訊堂晉起居注廷尉監陸鸞

多所全活皆稱其恩先賢象詔許之

丞

隋百官志後齊九寺置丞各一人各有功曹五官主簿錄事等員煬帝即位多所改革大理寺丞改為勾檢官增正員為六人判獄事

唐百官志大理丞六人

從六品上

掌分判寺事

六典丞六人從六品上

晉武帝咸寧中曹志上書請廷尉置丞自此始也宋齊梁各一

人第七品陳第八品後魏第七品大業三年改丞為勾檢皇朝置六人增為從六品

國朝元祐官品令大理丞正八品

大寶箴

唐張蘊古太宗初即位上大寶箴太宗嘉之賜以束帛除大理寺丞初河內人李好德素有風

疾而語涉妄妖蘊古究其獄稱好德癲病有徵法不當生御史權萬紀劾蘊古情在阿縱奏事不實太宗大怒

曰小子乃敢亂吾法耶令斬於東市太宗尋悔因發制凡決死皆命所司五覆奏自蘊古始歲斷獄

萬七千人無冤訴者

狄仁傑字懷英儀鳳中為大理丞周歲斷滯獄一萬七千人無冤訴

者時武衛大將軍權善才坐誤斫昭陵柏樹仁傑奏罪當免職高宗即令誅之仁傑曰陛下必欲變法請從今

日為始臣不敢奉制殺善才因免陸遇徐杜必生遇來侯下於不道帝意稍解善才因而免

必死杜景佺徐有功為司刑丞與來俊臣侯思止寬平同理獄人稱之曰遇徐杜必生遇來侯必死

無冤濫

李日知天授中累遷司刑丞時用法嚴急日知獨寬平無冤濫嘗免一死囚少卿胡元禮請斷

殺之與日知往復至於數四元禮怒曰元禮不離刑曹死因終無生理答曰日知不離刑曹此因終無死法竟以兩狀列上上十策陳邊事自契丹通和而天下弛武日知果直

寺丞石延年上書陳十策乞選練兵級言西夏必叛朝廷不以為然及元昊反上思其言召見稍用乞奉使河東籍兵回稱旨上曰朕知卿有才久矣但聞卿好飲酒醉恐不能了事所以未用卿延年奏曰臣非好飲不得志而以自釋爾然臣雖醉其於臨事言太后不當聽政愈於不醉之人上喜其言賜五品服

延年遽大理寺丞上書言天子春秋已盛太后不當聽政及奉使河東回得秘閣校勘

司直

六典司直六人從六品上

後魏永安三年御史中尉高穆奏置司直十人視五品隸

廷尉位在正監上不署曹事唯覆理御史檢劾事北齊及隋因之並置十人從第五品下皇朝置六人降為從第六品上
司直評事掌出使推按凡承制而出推長吏據狀合停務及禁錮者先請魚書以往據所受之狀鞠而畫之若詞有反覆不能首實者則依法拷之凡大理斷獄皆連署焉

國朝元祐官品令大理司直正八品

評事

前漢百官表宣帝地節三年初置左右評四人秩皆六

百石

後漢百官志左平一人六百石本注曰掌評決詔獄

缺

祿薄其為

缺

員

四人其務平之涿郡太守鄭昌上言聖王之法明刑者非以為理救衰亂之起也今明主躬垂明聽不置廷評獄將自正若開後嗣不若刪定律令律令一定愚人之所避就姦吏無所弄今不正其本而置廷評以理其末政衰德怠則廷評將招權而為亂首矣宣帝置左右評

而三輔決錄注云何比干漢武時為尉右評謬矣

晉職官志廷尉屬官有評

隋百官志梁廷尉有評後齊評一人隋大理寺右評一人

唐百官志大理評事十二人從八品下

六典評事十二人正八品下

隋改曰評事皇朝因之天寶九載敕大理評事今後

朝要子弟及至親中有未歷畿望縣者不得注授元和十五年敕減二人以增六丞之俸掌同司直

國朝元祐官品令大理評事正八品

獄無冤民

三輔決錄茂陵何比干漢武帝時丞相公孫弘舉為廷尉平獄無冤民號曰何公行

能高潔

前漢馬宮字游卿行能高潔遷廷尉平

濟者甚衆

晉中興書顧榮遷廷尉平時趙

王倫欲誅淮南王元允官屬下廷尉議罪榮具明刑理不宜廣濫倫意解賴榮濟者甚衆上便宜十

事

臧榮緒晉書何攀字惠興上便宜十事除廷尉評諸葛冲見攀改蜀之志心有不悅及決斷疑獄冲乃服

同惡相濟共為羅織

唐則天時左臺御史中丞來俊臣司刑評事康晬衛遂忠等同惡相

濟令人告事共為羅織

公清之士何以勸

杜暹投鄭尉以清節見知華州司馬楊孚公直

士也深賞重之尋而孚遷大理正暹坐公事下法司結罪孚謂人曰若此尉得罪公清之士何以勸矣特薦之

於執政由是擢拜大理評事

反覆詰對執政無以奪

唐新語敬昭道為大理評事時

沂州有反者註誤坐者四百餘人將隸於司寇未即路
繫在州獄昭道授赦文判而免之時宰相責大理奈何
免反人家口大理郡官失色引昭道以見執政怒而責
之昭道曰赦云見禁囚徒反者家口繫在州獄缺
執政無以奪註誤者悉免也反覆詰對至於五六言語缺

主簿

隋百官志 見丞門

唐百官志大理寺主簿二人 從七品上掌印省署抄目勾檢

稽失

六典主簿二人從七品上晉魏宋齊梁陳大理皆有主簿晉至陳俱二人正七品上

皇朝因而降之

職官分紀卷十九

欽定四庫全書

職官分紀卷二十

宋 孫逢吉 撰

鴻臚

周禮大行人掌大賓客之禮

又有象胥干寶注云若晉鴻臚也

前漢百官表典客秦官景帝中六年更名大行令武帝
太初元年更名大鴻臚屬官有行人譯官別火三令丞
及郡邸長丞武帝太初元年更名行人為大行令王莽

改大鴻臚曰典樂典屬國秦官掌蠻夷降者武帝元狩三年昆邪王降復增屬國置都尉丞候千人屬官九驛令成帝河平元年省併大鴻臚

後漢百官表大鴻臚卿一人中二千石丞一人比千石大行令一人六百石治禮郎四十七人右屬大鴻臚

晉職官志大鴻臚統大行典客園池華林園鈞盾等令又有青宮列丞鄴玄武苑丞及江左有事則權置無事則省

宋百官志大鴻臚掌贊導拜授諸王鴻臚大也臚陳也晉江左初省有事則權置事畢則省

沈約宗書南北客館各一人永初初置主四方賓客事漢曰傳郎魏曰客館

隋百官志後齊九寺置卿少卿丞各一人各有功曹五官主簿錄事等員鴻臚寺掌蕃客朝會吉凶弔祭統典客典寺司儀等署隋置鴻臚寺統典客司儀崇玄三署各置令典客署又有掌客司儀有掌儀等員

高祖三年廢鴻臚入

太常十二年復置

唐百官志鴻臚寺

周曰大行人秦曰典客景帝曰大行令武帝曰大鴻臚梁承齊卿去大字

署為寺後周曰賓部隋曰鴻臚寺龍朔改曰同文寺光宅曰司賓寺神龍復

卿一員少卿二

員丞二人主簿一人錄事二人府五人史十二人亭長

四人掌固六人

六典鴻臚寺

胡廣漢官解詁云鴻臚聲臚傳也所以傳聲贊導九賓也隋鴻臚寺統典客司儀崇玄

三署開皇三年省并太常十二年復舊皇朝龍朔改同文咸亨元年復舊光宅元年改司賓神龍元年復舊舊屬官有崇玄署開皇二十五年改隸宗正寺

國朝鴻臚寺掌賓客喪葬及封襲祭饗之事

卿

前漢武帝以蘇武為典屬國宣帝甘露二年以常惠為典屬國

百官表典屬國

見鴻臚門

後漢百官志大鴻臚卿一人中二千石本注曰掌諸侯及四方歸義蠻夷其郊廟行禮贊導請行事既可以命羣司諸王入朝當郊迎典其禮儀及郡國上計四方賓

客亦屬焉皇子拜王贊授印綬及拜諸侯諸侯嗣子及四方夷狄封者臺下鴻臚召拜之王薨則使弔之及拜王嗣丞一人比千石

東觀漢記大鴻臚漢舊官建武元年復置屬有丞一人
大行丞一人有禮員四十七人主齋祀儉贊九賓之禮
韋昭辨釋名腹前肥者曰臚言以京師為腹心王侯外
國為四體以養之也辨云鴻臚本故典客掌賓禮鴻大
也臚陳序也欲以大禮陳序賓客也

漢官解詁鴻臚也臚傳也所以傳聲贊導九賓也又曰
昔唐虞賓於四門此則賓禮之制也與鴻臚之任亦同
後魏職令鴻臚少卿第四品上第二清用雅學詳富明
樞達理者

隋百官志

見鴻臚門

唐百官志鴻臚卿一員

從三品周曰大行人中大夫秦曰典客漢曰大鴻臚梁加卿字

後周曰賓部中大夫隋官從三品少卿二人

從四品上卿之

龍朔為同文正卿光宅改曰司賓

職掌賓客及凶儀之事領典客司儀二署以率其官屬

供其職務少卿為之貳

唐百官志鴻臚卿位視尚書右丞掌導護贊拜

六典鴻臚寺卿一人從三品

梁天監七年象四時置十二卿除大字鴻臚寺為次

卿第二品上太初二十二年九卿並第三品北齊因之後周有大賓部中大夫隋鴻臚寺卿一人正第三品煬帝降為從三品皇朝依焉

國朝元祐官品令鴻臚卿從四品

連擒大姦

漢書田序字子公連擒大姦徵為大鴻臚

卿慚長

後漢陳寔為大丘長以沛相賦

敘連法乃解印綬去累徵命不起閉門縣車棲遲養老時三公每缺議者歸之子紀亦以至德稱為平原相徵

為尚書令建安初表紹為太尉讓于紀紀不受拜大鴻臚卒於官子羣為魏司空天下以為公愍卿卿愍長

遣小黃門就問經傳

謝承後漢書商仁字李卿徵拜大鴻臚卿以年老乞骸骨詔賜牛酒

米帛若經傳有疑使小黃門就問之

病乞骸骨許還家

美徵拜大鴻臚以病乞骸骨許請還

家大鴻臚小鴻臚

魏志韓宣明帝時為大鴻臚數歲卒宣前後當官在能否之間然喜以已

恕人始南陽韓暨以宿德在宣前為大鴻臚暨為賢人及宣在後亦稱職故鴻臚中為之語曰大鴻臚小鴻臚

前後治行易相如

治行相如上

移書燉煌

崔林為大鴻臚龜茲王遣侍子來朝朝廷

嘉遠至褒餘國各遣子來朝間使連屬林恐所遣或非其真的權取疏屬賈胡因通使命利有印綬而道路護送所損茲多勞所養之民資無益之事為夷狄所笑此累時之患也乃移書燉煌喻指并錄前世傳遇諸國豐

約故事靜默少言

蜀志杜瓊字伯瑜後主立為大鴻臚使人有常靜默少言為人靜默少言闔門自守不與世事

有出境之才

吳志張儼弱冠知名早歷顯位以博文多識拜大鴻臚使於晉吳主孫皓謂儼曰南

北通好以君有出境之才故相屈行對曰皇皇者華臣蒙其榮恩無古人延譽之美磨鋒淬鈇思不辱命既至車騎將軍賈充尚書令裴秀侍中荀勗等欲傲以所不知而不能屈尚書僕射羊祜尚書何禎並結縞帶之好

不任賓贊還官

漢雜事蕭由為陳留太守入為鴻臚卿不任賓贊還官

鴻臚司爵

揚雄大鴻臚歲蕩蕩唐虞經通該極陶陶百王天工人力畫為上下該羅百職人有材能官有級差遷能於官各有攸宜主不以廢官不以隳文不可武武不才任專可文大小上下不可奪倫鴻臚臣司爵敢告在倫

對

崔鴻十六國春秋前涼錄晉使者俞歸至張重華識張鑒才任專對拜典客令歸責鑒禮供給薄鑒曰敝

國辭小隔絕皇風行臺撫臨萬里傾躍今大義未
崇先存口實非昭德示訓之謂也歸改容謝之職主

胡事

山濤啓事鴻臚職主胡事前後為之者率多
不善今缺當選御史中丞刁修不審可不亡秦

之官稱於上國

北史李安世為主客令齊使劉纘朝貢
安世奉詔勞之安世美容貌善舉止纘

等自相謂曰不有君子其能國乎纘等呼安世為典客
安世曰何亡秦之官稱於上國纘曰異世之號有幾安
世曰周謂掌客秦改典客漢名鴻臚今曰採樹為樵唐
主客君等不欲影響文武而殷勤亡秦乎採樹為樵劉
世龍高祖時從平京師累轉鴻臚卿仍改名義節時草
創伊始傾竭府藏以賜勲人而國用不足義節進計曰
今義師數萬並在京師樵薪貴而布帛賤若採街衢及
苑中樹為樵以易布帛歲收數十萬疋立可致也又藏
內繒絹疋疋截之使申截取剝物以供雜費
動盈十餘萬疋矣高祖並從之大收其利

少卿

六典少卿二人從四品下

魏後太和十五年九卿各置少卿一人第三品上二十二

年降為正四品上北齊因之後周有賓部下大夫一人隋依北齊煬帝加置二人降為從四品皇朝武德中置一人貞觀中加置二人龍朔咸亨光宅神龍隨寺改復

國朝元祐官品令鴻臚少卿正六品

多才藝美容儀

隋書煬帝時蠻夷朝貢前後相屬帝嘗從容謂宇文述虞世基等曰四夷率服

觀禮華夏鴻臚之職須歸令望寧有多才藝美容儀可以接賓客者為之乎咸以蘇夔對帝然之即日拜鴻臚少卿以職業稱
唐裴光庭開元中權兵部郎中鴻臚少卿性靜默寡交遊雖驟歷臺省人未之許既

而以職業稱
議者更推之

丞

前漢百官表

見鴻臚門

後漢百官志

見卿門

隋百官志

見鴻臚門

唐百官志鴻臚寺丞二人

從六品上

掌判寺事

六典丞二人從六品下

秦有典客丞漢因之武帝改曰大鴻臚丞比千石魏晉因之東

晉省梁班第三陳因之後魏列卿丞從五品中太和二十二年降為第七品北齊為第七品下後周兵部有上

卷二十
士一人隋鴻臚丞二人正七品上大業
五年加為正五品皇朝為從六品上

國朝元祐官品令鴻臚寺丞正八品

有祿能作否

晉王敦為鴻臚卿謂阮修曰卿常無食鴻臚丞有祿能作否修曰卿復可耳乃為丞

主簿

隋百官志

見鴻臚門

唐百官志鴻臚寺主簿一人

從七品上掌印勾檢稽失

六典主簿一人從七品上

漢官儀鹵簿篇鴻臚主簿駕四馬晉令大鴻臚置主簿錄

事史梁天監七年十二卿各置主簿位不登十八班者別為七班班第三陳因之後魏閼文北齊有功曹五官

主簿隋鴻臚寺主簿三人皇朝因之武德
中正八品貞觀中減置一人從七品上

國朝元祐官品令鴻臚寺主簿從八品

司農

前漢百官表治粟內史秦官掌穀貨有兩丞景帝後元
年更名大農令武帝太初元年更名大司農屬官有太
倉均輸平準都內籍田五令丞幹官鐵市兩長令丞又
郡國諸倉農監都水六十五官長丞皆屬焉搜粟都尉
武帝軍官不常置王莽改大司農曰羲和後更為納言

初幹官屬少府中屬主爵後屬大司農

後漢百官志大司農卿丞各一人部丞二人太倉令一人平準令一人導官令一人右屬大司農

晉職官志大司農統大算導官二人令襄國都水長東
西南北部諸文曹掾及江左哀帝省并都水武帝復置
宋百官志大司農一人丞一人掌九穀六畜之供膳羞
者舜攝帝位命棄為后稷則其任也周則為太府漢世
丞二人魏以來一人

隋百官志北齊司農寺掌倉正菜園池菓實統平準太倉鈎盾典農導官梁州水次倉籍田等令丞隋司農寺統太倉典農廩市鈎盾華林上林導官等署

唐百官志司農寺

梁置十二卿以署為寺以官為卿一卿龍朔三年改為司稼咸亨復

員少卿二人丞六人主簿二人錄事二人府二十八人史七十六人計史三人亭長九人掌固七人

六典司農寺

隋煬帝司農但統上林太倉鈎盾導官四署罷典農華林二署以平準京市隸太府

掌苑園薪芻藁炭市易度量皇朝因之

國朝司農寺掌倉場出納園苑種植及導擇米麥供給薪炭之事

卿

周禮冢宰有太府下大夫

史記韓信歸漢以為治粟內史掌穀貨景帝更名大農
令武帝更名大司農平帝元始元年改大司農曰羲和
以劉歆為之

後漢百官志大司農卿一人中二千石本注曰掌諸錢

穀金帛諸貨幣郡國四時上月旦具錢穀簿其逋未畢各具別之邊郡諸官請調度者皆為報給

應劭漢官儀大司農古官也唐虞分命羲和四子敬授民時高祖受命懲秦之弊與民休息逮至文景國家無事家給人足京師之錢累百巨萬貫朽而不可校太倉之粟陳陳相因充溢露積腐敗而不可食

後魏職令司農第四品上第三請用堪勤有能幹者隋百官志梁司農卿位視散騎常侍主農功倉廩統太

倉導官籍田上林令又管樂遊北苑丞左右中部三倉丞英庫荻庫諸庫丞湖西諸屯務天監九年又置勸農謁者視殿中御史後齊九寺置卿少卿丞各一人隋九寺置卿少卿各一人

唐百官志司農寺卿一人

從三品上

少卿二人

從四品上

卿之職

掌邦國倉儲委積之事總上林太倉鈎盾導官四署與諸監之官屬謹其出納少卿為之貳凡京師百司官屬祿廩皆仰給焉凡朝會祭祀供御所須及百官常料則

率署監所貯之物以供其事凡孟春皇帝親籍田之禮有事於先農則奉進耒耜季冬藏冰祭司寒以黑牡秬黍仲春啟冰亦如之

六典司農寺卿一人從三品

左傳少昊氏九扈為九農正天監七年象四時置十

二卿司農為春卿班第十一又置勸農謁者亦隸司農陳因之後魏大司農品第二太和二十二年改第三品北齊因之後周依周官有司農上士一人掌三農九穀稼穡之政令隋一人正三品煬帝降從三品龍朔三年改司稼寺正卿咸亨中復舊

國朝官品令司農卿從四品

行千里不賣糧

前漢鄭當時字莊為大司農門下客至亡貴賤亡留門者執賓禮以下山東諸

公翕然稱莊曰吾聞鄭莊行千里不賣糧

閉門却掃非德不交

趙典字仲經為大司農閉

門却掃非德不交

免捶撲

後漢大司農劉據以職事譴被召詣尚書傳呼促步又加以捶撲左雄上

言九卿位亞三事班在大臣行有佩玉之節動有庠序之儀孝明皇帝始有撲罰皆非古典帝從而改之其後

九卿無復捶撲者

學問博通

王孫端學問博通為大司農

治行第一

宣帝地節四年

北海太守朱邑以治行第一為大司農

盜田自殺

田延年為大司農坐盜都內田三十萬自殺

名卿

東觀漢記牟融字子優為大司農性明達稱為名卿

在朝以方正稱

高翊字季回以

儒學做拜大司農在朝以清白方正稱

曉邊事能議論

耿國為大司農曉邊事能議論數上

便宜事天
子器之
給安車一乘
鄭玄公車徵為大司農給
安車一乘所過長吏送迎
風聲

大行

張璠漢記陳罷為廣漢太
守風聲大行入為大司農
陳粟萬石揚以箕
武帝

詩大司農曰陳
粟萬石揚以箕
司金穀
揚雄大司農歲惟時大農爰司

農殖又曰
農臣司均
上穡臣
張華大農歲穡臣
政治為

天下最

魏志梁習字子虞為并州二十餘
年政治為天下最徵拜大司農

龜載碑從田

內出

異苑吳郡岑淵為吳時大司農卿碑注在江乘潮
而西太元中村人見龜載碑從田中出還其先處

萍藻猶

天倉
天文錄天倉
印在吾手中

晉陽秋司農桓
範出奔曹爽云

大司農印在吾手中
所在得開倉而食

國之泉
史游急就篇司農
掌周稷

之業

漢朱邑為大司農張敞與邑書曰

兩宮寵官

隋江總司

農陳旼墓銘曰其文散骸其筆縱橫背筆即誦據馬俄

成徘徊前古悵望今情兩宮寵官四王恩榮萬事休息

一朝追送疇昔命觴文可納郡租不過十日

趙元叡轉

吟諷今日酌君長悲宜慟有惠政因入朝會司農不時納諸郡租穀元叡奏之帝

謂元叡曰如卿意者幾日當了元叡曰如臣意不過十

日帝即日拜元叡為司農卿納

上疏言禁兵寡少

唐段秀實

為司農卿見禁兵寡少不足以備非常乃上疏曰臣聞天子曰萬乘諸侯曰千乘大夫曰百乘此蓋以大制小以十制一尊君卑臣強幹弱支之義在於此矣今外有不虞之虜內有梗命之臣竊觀禁兵不精其數全少卒有患難將何待之且猛虎所以百獸畏者為爪牙也若去其爪牙則犬馬牛悉能為敵伏願少留聖慮冀俾萬

一其後涇原兵作亂召神策六軍遂無一人至好鬚李
者秀實守節不二竟沒於賊其明畧義烈如此
見戶部倒用印秀實為司農卿建中四年朱泚盜據官
尚書門闕源休教泚偽迎鑾駕陰濟逆志泚乃
遣其將韓旻領馬步三千疾趣奉天時蒼黃之中未有
武備泚以秀實嘗為涇原節度使罷兵權以為畜憤且
久必肯同惡乃召與謀議秀實初詐從之陰說大將劉
海賓何明禮姚令言等與之一心同謀殺泚以兵迎乘
輿三人皆許諾旻追駕秀實以為宗社之危期頃刻乃
使人諭岐靈岳竊令言印不獲乃倒用司農印印符以
追之旻至駱駟得軍符令亦莫辨其印文遑遽而回秀
實乃與海賓約事急為繼而令明禮應於外明日泚召
秀實議事源休等皆在坐秀實與源休並膝語至僭位
秀實悖然而起執休腕奪其象笏躍而前唾泚面大罵
曰狂賊吾恨不斬汝萬段吾豈逐汝反耶遂擊之泚中
其頰流血而走兇黨羣至遂遇害德宗在奉天聞其事

惜其委用不
至垂涕久之

少卿

隋百官志

見卿門

唐百官志

見卿門

六典司農少卿二人從四品上

後魏初置少卿第三品太和二十二年為正第

四品上北齊因之後周司農有中士一人隋品同北齊煬帝加置二人降為從四品龍朔咸亨隋寺改復

國朝元祐官品令司農少卿正六品

檢校東都營田園苑之事

唐韋机為司農少卿受詔檢校東都營田園苑之事高宗

謂之曰兩都是朕東西之宅也今之宮館隋代所造歲序既淹將漸頽毀頽欲有修又費財力如何机奏曰臣任司農向已十年前後省費今見貯錢三十萬貫若以供葺理可不勞而就也上大悅
杖而後奏机為司農少卿兼之東都營田甚見委遇有官者於苑中犯法机杖而後奏高宗嗟賞賜絹數十疋謂曰更有犯者卿即鞭之不復奏也

丞

沿革見司農門

唐百官志司農寺丞六人

從六品上

掌判寺事凡天下租稅

及拆造轉運於京師皆閱而納之以供國用以祿百官

六典丞六人從六品上

秦治粟內史有兩丞漢因之武帝改大司農亦兩丞桑弘羊為

大司農置部丞數十人分部主郡國將以興利後漢司
農丞一人比千石部丞一人六百石部丞主帑藏魏因
之品第七晉亦品第七進賢一梁冠介幘皂衫銅印黃
綬宋齊梁陳司農丞墨綬後魏從五品中太和二十二
年為七品下北齊因之隋司農丞五人從第六品大業
五年加至從五品皇朝武德中置四人貞觀中加至六
人

國朝元祐官品令司農丞正八品

主簿

隋百官志

見司農門

唐百官志司農寺主簿二人

從七品上掌印署抄目勾檢稽

失凡置木契二十隻應須出納與署合之

十隻與太倉署令十隻與

導官署令皆九雄一雌雄主簿掌雌留署勘同然後出給

六典主簿二人從七品上

晉太康中置主簿二人宋齊無聞梁置一人七班之中第

三陳因之後魏不見北齊司農寺有功曹五官主簿隋二人皇朝因之

國朝元祐官品令司農寺主簿從八品

治平三年置主簿一員

上林苑令

六典上林署令二人從七品下

漢百官表水衡都尉武帝置掌上林苑屬官有

上林令丞尉又有甘泉上林長丞又步兵尉校掌上林苑又少府屬官有上林中十池監上林者漢之苑囿也

司馬相如有上林賦後漢上林苑令一人六百石主苑中禽獸頗有人居皆主之捕得其獸送太官丞一人三百石魏晉因之江左闕其官宋武帝復置隸尚書省殿中曹及少府齊因之梁陳屬司農後魏闕文北齊及隋並屬司農皇朝因之

掌苑園池之事丞為之貳

歲揚雄上林苑今歲曰芒芒大田芄芄柞械山有陁陸野有林麓夷原污藪禽獸攸伏魚鱉以時芻蕘咸殖國以殷富民以家給

太倉令

齊職儀太倉令周司徒屬官有廩人倉人則其職也

六典太倉令三人從七品下

石氏星經天倉六星在婁南倉穀所藏南三星天庚

積厨粟之所天園十三星困倉廩之屬主御糧也史記云武王伐殷散鉅橋之粟周禮有廩人下大夫上士秦漢大司農屬官有太倉令丞各一人文帝時淳于意為之後漢一人六百石魏品第七晉宋齊梁陳亦然後魏關文北齊司農統太倉令丞後周有司倉下大夫隋太倉令二人宋廩督四人穀倉督二人皇朝置太倉令三人東都則曰含嘉倉

籍田令

前漢百官表司農屬官有籍田令丞

沈約宋書籍田令一人古官也于周為甸師前漢置後

漢及魏闕晉太始十年復舊江左省後復置

國朝元祐官品令籍田令正九品

廩犧令

漢百官表內史屬官有廩犧令丞尉後屬司農

韋昭辨釋名犧戲也言廩養之也辨云凡六牲取其毛者別養之以奉祭祀純色者少故名曰犧犧希也

齊職儀周牧人之職也掌六牲陽祀用騂陰祀用黝取純毛者光武中興屬河南秩六百石

導官令

六典導官署令二人八品上

秦漢少府屬官有導官令丞主擇米以供祭祀及御

饌導擇也後漢屬大司農令六百石丞三百石魏晉皆有令丞梁在七班之下為三品勲位陳因之後魏闕文北齊及隋皆有令丞並屬司農皇朝因之置令二人

平準令

漢百官表司農屬官有平準令

續後漢書平準令六百石

韋昭辨釋名釋云平準令主染色有常平之法準的之

也辨云主平物價使相依準

齊職儀染署掌染繒色少昊置五雉為工正掌雉氏設

五色之工周有染人之職掌染帛以為服

六典平準署令二人從七品下

周禮有貨人中士下士主平定物價漢大司農

屬官有平準令丞後漢令丞各一人令六百石丞三百石掌知物價及主練染作彩色至和帝改平準為中準以宦者為令丞列於內署自是諸署令悉用宦人魏氏闕文晉少府屬官有平準令丞宋順帝諱改準曰染署齊少府有平準令丞梁陳有平準水令丞後魏闕文北齊司農寺統平準令丞後周有平準中士下士隋司農屬官有平準署令丞煬帝
三年改隸太府皇朝因之掌供官市易之事

籠天下之貨

史記桑弘羊領大司農令以諸官各自市相爭以故物多騰踴乃請置大農部丞數

十人分部主郡國置平準於京師受天下委輸盡籠天下之貨物貴則賣之賤則買之如此則富商大賈無所

牟大利矣所以置平準焉

廉潔下士

趙廣漢廉潔下士州舉茂才為平準令

太府

隋百官志後齊太府掌金帛府庫營造器物統左右中

三尚方左藏司染諸冶東西道署黃藏右藏細作左校

甄官等署隋太府寺統左藏左尚方內尚方右尚方司

染右藏黃藏掌冶甄官等署煬帝即位分太府寺為少

府監

唐百官志太府寺卿一人少卿二人丞四人主簿二人
錄事二人府十五人史五十人計史四人亭長七人掌
固七人

國朝太府寺掌庫藏出納商稅市易平準店宅之事

六典

見卿門

卿

隋百官志梁天監七年始置太府卿以少府為少府卿

加置太僕卿三卿是為夏卿太府卿位視宗正掌金帛
府帑後齊置卿少卿丞各一人置丞主簿錄官主簿錄
事等員隋九寺並置卿少卿各一人各置丞主簿錄事
等員

唐百官志太府卿一員

從三品

少卿二員

從四品上

卿掌邦國

財貨總京都四市平準左右府藏常平八署之官屬舉
其綱目修其職務少卿為之貳以二法平物一曰度量

二曰權衡

六典太府寺卿一人從三品

周禮天官太府下大夫上士下士掌九貢九賦九功

之貳以受其貨賄之入頒其貨於受藏之府頒其賄於受用之府凡官府都鄙之吏及執事者受財用焉則今太府之任也秦漢以下不置其官其職并於司農少府梁天監七年始置太府班第十三掌金帛府帑統右藏令上庫丞太市南市北市令關津亦皆屬焉陳因之品第三後魏太和中始改少府為太府寺卿品第三北齊因之後周有太府中大夫又有計部中大夫隋太府寺卿一人正三品上煬帝分太府置少府監管三尚方及司染掌治等署而太府寺管左右藏及兩市平準等署馬大業四年降為從三品皇朝因之至龍朔三年改外府正卿咸亨元年復故光宅少卿二人從四品上後魏元年改司府寺神龍初復舊少卿二人從四品上孝文帝改少府為太府置少卿一人第三品上北齊因之隋煬帝加至二人降為從四品皇朝減一人貞觀中復置

二人龍朔咸亨光宅
神龍並隨寺改復

國朝元祐官品令太府卿從四品

從車駕南巡

後魏揚播少修飭事親盡禮遷左衛將軍從車駕南巡到懸瓠除太府卿

貨幣

山積

唐楊國忠專判度支事玄宗召公卿百僚觀左藏庫喜其貨幣山積而賜國忠金紫兼權太府卿事

國忠既專錢穀之任出入禁中日加親幸

財物經楊卿者無不精好

見少卿門

少卿

沿革見卿門

國朝元祐官品令太府寺少卿正六品

尹卿筆

唐尹思肩為司府少卿時侯知一亦厲威嚴吏人為之語曰不畏侯卿杖惟畏尹卿筆其為人

所服前後無與為比

楊崇禮開元初為太府少卿雖幣帛克叔丈尺間皆躬自省閱時識

以為前後為太府無與為比擢拜太府卿時太平且久御府財物山積以為經揚卿者無不精好

丞

隋百官志

見卿門

唐百官志太府寺丞四人

從四品上

掌判寺事凡正至大朝

應貢方物應陳於殿庭者皆受而進之

六典丞四人從六品下

梁選部太府丞一人品從第七陳因之後魏亦一人品第七下

後周太府上下一人亦丞之任也隋太府丞六人正七品下大業三年增為從五品皇朝置四人從六品上

拱中省一人
開元又加焉

國朝元祐官品令太府丞正八品

主簿

隋百官志

見卿門

唐百官志太府寺主簿二人

從七品上

六典主簿二人從七品上

梁置太府主簿一人七班之中為第三陳因之後魏一人

隋四人從七品皇朝置三人至太極中省二人太府寺管木器七十隻十隻與左藏東庫合十隻與左藏西庫合十隻與右藏內庫合十隻與右藏外庫合十隻與東都左藏庫合十隻與東都右藏庫合九雄一雌主簿掌

一雌庫官掌右五隻與左藏朝堂庫合五隻與東掌印都左藏朝堂庫合各四雌一雌其契以次行用之

署抄目勾檢稽失凡置木契九十五隻二十五隻與少府將作苑總監合七十隻與庫官合十五隻刻少府監字十四隻雄付少府監五隻刻將作監字四隻雄付將作監五隻刻苑總監字四隻雄付苑總監皆應索用物

雌留太府

市令

長附

史記司馬談祖為漢市長

漢百官表內史屬官有長安市長又長安四市令丞長屬左馮翊

六典兩京諸市署各令一人從六品上

昔神農祝融氏始作市易曰日

中為市致天下之民聚天下之貨交易而退各得其所蓋取諸噬嗑石氏星經天市垣二十二星周禮地官有司市下大夫上士中士下士其屬有盾人鄧人胥師賈師司暴司稽肆長蓋諸市官也漢改秦內史為京兆尹其屬官有長安市長丞後漢河南尹屬官有雒陽市長丞魏晉因之東晉隸丹陽尹宋齊因之梁始隸太府梁選部太市令屬四品市職之任不容過卑天監七年革其選陳因之後魏京邑市令從五品中北齊司州牧領東西市署令丞後周司市下大夫一人隋司農寺統京市令煬帝三年改京市隸太府市京師東市曰都會西

市曰利人東都東市曰豐都南市曰大同北市曰通遠
皇朝因之京置東西南三市按東都西市則隋南市也
南市則隋東市也都南市舊兩坊之地武德中減為
坊半焉垂拱中省京南市開元十年又省都西市掌

百族交易之事丞為之貳凡建標立候陳肆辨物

按周禮肆

長各掌其肆之政令陳其貨賄名相近以二物平市

謂秤

以格斗以三賈均市

精為上次為中粗為下

格殺舍中兒

東觀漢記祭遵從征河北為軍市令舍中兒犯法遵格殺之上怒命收遵主簿陳副諫曰明公

常欲聚軍整齊今遵奉法不避是教令行也上乃貸之以為刺姦將軍語諸將曰當備祭遵吾舍中兒尚格殺之豈

私諸遠量當至公輔

石苞賣鐵鄆市中沛國趙元儒名知人見而異之便與結交歎其遠量當至公輔

左右藏令

齊職儀右藏庫周太府內府之任太府物所藏也內府掌邦布之出入以待王用後漢中藏府令丞掌幣帛金銀諸貨物晉置中黃左右藏

六典左藏署令三人從七品下

周禮有外府中士主泉藏之在外者掌邦布之

出入以供百物而待邦用也又有職幣上士中士主貨幣之入也並今左藏之職也秦漢則在司農少卿屬官有中藏府令丞各一人掌中藏幣帛金銀貨物魏氏因之晉少府屬官有左右藏令東晉置御史九人各掌一曹有庫曹御史後復分庫曹置外左庫內左庫宋文帝省外左庫而內左庫直云左庫武帝復置前廢帝又省

齊梁陳有右藏無左藏後魏闕文北齊太府寺統左右藏令丞後周有外府上士中士二人掌綿帛絲麻錢物皮角筋骨之藏隋有左藏署令丞皇朝因之左藏有東庫西庫朝堂庫又有東都朝堂庫各掌木唯契一與太府主簿掌邦國庫藏之事合之

右藏署令二人正六品上

周禮有內府中士主良貨賄藏在內也有職內上士中士

主泉貨所入並令右藏職之至秦漢分在司農少卿其職掌廢置與左藏同隋太府寺統右藏令丞各二人皇朝因之右藏有內庫外庫東都庫各掌木唯契一隻與太府寺主簿合之掌邦國寶貨之事

常平令

六典常平署令一人從七品下

漢書食貨志管仲相桓公通輕重之權曰歲有

凶穰故穀有貴賤令有緩急故物有輕重人君不理則商賈遊於市乘民之不給百倍其本矣故萬乘之國必有萬金之賈千乘之國必有千金之賈者利有所并也計本量委則足矣然而民有飢餓者穀有所藏也民有餘則輕之故人君斂之以輕民不足則重之故人君散之以重凡輕重斂散之以時即準平李悝曰糴甚貴傷民甚賤傷農民傷則離散農傷則國貧故甚貴與甚賤其傷一也是故善平糴者必謹觀歲有上中下熟故大熟則上糴三而舍一中熟則糴二下熟則糴一小飢則發小熟之所斂中飢則發中熟之所斂大飢則發上熟之所斂而糴之故雖遇飢饉水旱糴不貴而人不散孟子曰狗彘食人食而不知檢塗有餓殍而不知發蓋並常平之義也漢宣帝即位歲數豐穰穀至石五錢農人少利大司農中丞耿壽昌遂白令邊郡皆築倉以穀賤時增其價而糴穀貴時減其價以糴名常平倉人便之後漢明帝永平五年歲比登稔作常滿倉立粟市

於城東粟斛直錢三十晉武帝泰始四年乃立常平倉
豐則糴儉則糴以利百姓東晉宋齊無閒梁有常平倉
而不糴陳亦如之後魏太和十二年有司上言請京師
度支歲用之餘各立官司年豐糴貯於倉時儉加私之
二糴之於人北齊諸州郡皆別置富人倉初立之日準
所領中平戶口數得之一年糧遂次當州穀價賤時斟
量割當年義租充入穀貴下價糴之賤則還用所糴物
依時價糴貯隋開皇三年於河西勒百姓立堡營田積
穀京師置常平監又以倉廩尚虛衛所置黎陽倉洛州
置河陽倉陝州置常平倉華州置廣通倉轉相委輸漕
關東之粟以給京師又募人能於洛陽運米四十石經
砥柱達於常平倉者免其征戍以此通轉運亦非糴糴
皇朝垂拱初兩京置常平署天下諸州亦置也

掌平糴倉儲之事

職官分紀卷二十